

歷代帝王宅京記卷之十六

崑山顧炎武寧人氏錄

晉陽

北齊

北齊書神武帝本紀曰魏武定三年春正月於并州置
晉陽宮

後主本紀曰天統三年冬十一月晉陽大明殿成

帝于晉陽起十二院壯麗逾於鄴下鑿晉陽西山為大佛像一夜燈燭萬盆光照宮內

馮子琮傳曰世祖在晉陽既居舊殿少帝未有別所詔子琮監造大明宮宮成世祖親自巡幸怪其不甚宏麗子琮對曰至尊幼年篡成大業欲令敦行節儉以示萬邦兼此北連天關不宜過復崇峻世祖稱善

後周

周書武帝本紀曰建德六年夏五月戊戌詔曰京城宮殿已從撤毀并鄴二所華侈過度誠復作之非吾豈容因而弗革諸堂殿壯麗並宜除宜除蕩薨宇諸物分賜窮民三農之隙別漸營構止蔽風雨務在卑狹冬十二月戊辰廢并并州宮及六府

隋

隋書煬帝本紀曰大業三年秋八月壬寅詔營晉陽宮地理志曰太原縣有晉陽宮

唐

唐書玄宗本紀曰開元五年冬十一月詔曰經邦創制
建國設險必因時順天統物立極我國家以神武聖德
應天受命龍躍晉水鳳翔太原建萬代之模為億兆之
主猶成湯之居亳有周之興岐朕以眇身纂承昌運守
祖宗之大寶恢中興之弘業叶時卜狩始經此都事本
因心情兼惟舊昔堯理唐郊武建丹陵之地漢居洛邑
更表南陽之都今王業所興宮觀猶在列於偏郡情所
未安非所以恢大聖之鴻規展孝思之誠敬其并州宜
置北都改州為太原府刺史為尹司馬為少尹太原晉
陽為赤縣諸縣為畿縣秩視京洛兩府

馬燧傳曰燧引軍還太原燧以晉陽王業所起度都城
東面平易受敵乃引晉水架汾而注城之東瀦以為池
計寇至省守陴者萬人又決汾水環城多為池沼樹柳
以固隄

文宣帝記曰天保二年冬十月戊申起宣光建始嘉福
仁壽諸殿

唐書地理志曰北都天授元年會安長壽元年七月七日置改并州為太原府神龍元年罷二月四日開元十一年復置正月二十日天寶元年曰北京正月二十日上元二年罷九月二十一日肅宗元年去年號改元年其年四月改元應復為北都

晉陽宮在都之西北宮城周二千五百二十步崇四丈八尺都城左汾右晉潛丘在中長四千三百二十一步廣三千一百二十二步周萬五千一百五十三步其崇

四丈汾東曰東城貞觀十一年長史李勣築兩城之間有中城武后時築以合東城宮南有大明城故宮城也宮城東有起義堂倉城中有受瑞壇唐初高祖使子元吉留守獲瑞石曰李淵萬吉築壇祠以少牢

太原府太原都本并州開元十一年為府

晉陽縣有號令堂高祖誓義師於此西北十五里有講武臺飛閣顯慶五年築

舊唐書崔神慶傳曰則天時擢拜并州長史先是并州

有東西二城隔汾水神慶始築城相接每歲省防禦兵
數千人邊州甚以為便

五代史職方考曰并州後唐兼北都其軍仍舊河東

冊府元龜曰後唐莊宗同光元年夏四月以太原為西
京

冬十一月改太原為北都

晉高祖天福元年冬十一月以北京潛龍宅為興義里
大名

五代職方考曰魏州唐曰大名置天雄軍五代皆因之
後唐建鄴都晉漢因之至周罷大名府後唐曰興唐晉
曰廣晉漢周復曰大名

唐

冊府元龜曰後唐莊宗同光元年即位于魏州是月升
魏州為東京改元城縣曰興唐貴鄉縣曰廣晉都督府
曰興唐府

三年春三月詔改東京為鄴都興唐府與北京太原府

並為次府

晉

晉高祖天福元年冬十二月改興唐府為廣晉府

六年秋八月壬子改鄴都皇城南門應天門為朝明門

大名館為都亭驛

七年夏四月乙丑勅改鄴都羅城及大門諸門羅城南

墻門為廣運門觀音門為金明門橙槽門為清景門

冠氏門為永芳門朝城門為景風門大城南門為昭明門

觀德門為廣義門北河門為靖安門魏縣門為膺福門

尉氏門為迎春門朝城門為興仁門上斗門為延清門

下斗門為通遠門

出帝開運二年夏四月己丑復以鄴都為天雄軍

漢

漢高祖乾祐元年春三月改廣晉府為大名府

周

後周高祖顯德元年春正月戊寅罷鄴都但為天雄軍

宋史地理志曰慶曆二年建大名府為北京宮城周三里一百九十八步即真宗駐驛行宮城南三門中曰順豫東曰省風西曰展義東一門曰東安西一門曰西安順豫門內東西各一門曰左右保成次北班瑞殿殿前東西門二東曰凝祥西曰麗澤殿東西時巡殿門次北時巡殿次靖方殿次慶寧殿時巡殿前東西門二東曰景清西曰景和京城周四十八里門一十七熙寧九年改正南南河門曰景風南塼曰亨嘉鼓角曰

阜昌正北北河門曰安平北塼曰輝德正東冠氏門曰華景冠氏第二重曰春祺子城東曰泰通正西魏縣門曰寶成魏縣第二重曰利和子城西曰宣澤東南乾城門曰安流乾城第二重曰葵齊西南觀音門曰安正觀音第二重曰靜方上水關曰善利下水關曰永濟內城創制置北門曰靖武元豐七年廢善利永濟關

王應麟慶曆二年五月戊午升大名府為北京詔曰席萬盈之懿兆冠千里之上腴隱然北門壯哉中夏

輿地廣記

魏上偃曰魏大名也其地于今為河中之永樂非元城
之魏也漢以魏大名也其地于今為河中之永樂非元城
以魏州為大名此失矣今按舊唐書田悅稱魏王
府其失始此名



國家圖書館, NATIONAL CENTRAL LIBRARY, TAIWAN, R.O.C

歷代帝王定京記卷之十七

崑山顧炎武寧人氏錄

大梁

五代史職方考曰汴州唐故曰宣武軍梁以汴州為開
封府建為東都後唐滅梁復為宣武軍晉天福三年升
為東京漢周因之

後梁

大梁

冊府元龜曰太祖開平元年夏四月戊辰升汴州為開封府建東都是月制宮殿及都門名正殿為崇元殿東殿為立德殿內殿為金祥殿萬歲堂為萬歲殿門如殿名大內正門為元化門皇牆南門為建國門滴漏門為啟運門下馬門為升龍門立德殿前門為崇明門正殿東門為金烏門西門為玉兔門正衙東門為崇禮門東偏門為銀臺門宴堂門為德陽門天王門為賓天門皇牆東門為寬仁門浚儀門為厚載門皇牆西門為神獸門望京門為金鳳門宋門為觀化門尉氏門為高明門鄭門為開明門梁門為乾象門酸棗門為興和門封丘門為含曜門曹門為建陽門升開封浚儀為赤縣尉氏封丘雍丘陳留為畿縣

五月改文思院為乾文院同和院為佐鸞院

二年秋七月甲午以高明門外繁臺為講武臺是臺西漢梁孝王嘗按歌閱樂于此當時因名曰吹臺其後有繁氏居於其側里人乃以姓呼之時代綿寢雖官吏亦

從俗焉帝登眺蒐乘訓戎宰臣以是奏而名之

三年春二月以滑州酸棗縣長垣縣鄭州中牟縣陽武縣宋州襄邑縣曹州戴邑縣許州扶溝鄆陵縣陳州太康等九縣割屬開封府仍升為畿縣

秋七月改章善門為左右銀臺門其左右銀臺門却改為左右興善門

冬十一月改乾文院為文思院行從殿為興寔殿弓箭庫殿為宣武殿毬場為安毬場

後唐

冊府元龜曰後唐莊宗同光元年冬十二月壬申勅汴州偽庭所立殿宇諸門並去牌額復本名其宣武軍額置于咸安門所在宮苑即充行宮應有不合安鵠吻處並可去之

後晉

晉高祖天福二年夏五月丙辰以汴州行宮為大寧宮三年冬十月丙辰詔升汴州為東京置開封浚儀兩縣

為赤縣餘升為畿縣

三年冬十月庚辰詔曰為國之規在于敏政建都之法務要利民歷考前經朗然通論顧惟涼德獲啟丕基當數朝戰伐之餘是兆庶傷殘之後車徒既廣帑廩咸虛經年之輓粟飛帛繼日而勞民動衆常煩漕運不給供須今汴州水陸要衝山河形勢乃萬庾千箱之地是四通八達之郊爰自按巡益觀宜便俾升都邑以利兵民汴州宜升為東京開封府時所管屬縣並可仍舊割屬收管亦升為畿縣其雄京改為西京雍京改為晉昌軍丁亥詔改大寧宮門為明德門又改京城諸門名南門尉氏門以薰風為名西二門鄭門梁門以金義朝明為名北二門酸東封丘以立化宣陽為名東二門曹門宋門以迎春仁和為名

四年春二月改東京玉華殿為永福殿

三月己卯改明德殿為滋德殿以宮城南門同名故也

五年秋九月戊子改東京上源驛為都亭驛

後漢

高祖天福十二年六月戊辰詔曰浚都重地汴水名區
控襟帶于八方便梯航于萬國眷言王氣允稱皇居其
汴州宜仍舊為東京

後周

太祖廣順元年夏六月以唐都長安時京城等門比定
今東京諸門薰風等為京城門明德門為皇城門啟運
等為宮城門昇龍等為宣門崇元等為殿門

二年春正月詔開封府修補京師羅郭率府界丁夫五
萬五千版築旬日罷

冬十月置弘文館史館集賢館于厚載門內向東橫街
東北

通鑑曰廣順三年帝欲祀南郊以自古以來郊祀常在
洛陽疑之執政曰天子所都則可以祀百神何必洛陽
於是始築圓丘社稷壇作太廟于大梁

世宗顯德二年夏四月乙卯詔曰惟王建國寔曰京師

度地居民固有前作東京華夷鑄湊水陸會通時向隆
平日增繁盛而都城因舊制度未恢諸衛軍營或多窄
隄百司公署無處興修加以坊市之中邸店有限工商
外至億兆無窮僦貸之資增添不定貧閈之戶供辦寔
艱而又屋宇交連^衛湫隘入夏有暑濕之苦居常多烟
火之憂將便公私須廣都邑宜令所司于京城四面別
築羅城先立標幟候冬末春初農務閒時即量近甸人
夫漸次修築春作絕動便令放散如或土工未畢則迤
邐次年修築所冀寬容辦集今後凡有營葬及興置宅
竈并草市並須去標幟七里外其標幟內候官中擘畫
定街巷軍營倉塲諸司公廐院務了即任百姓營造
三年春正月戊戌發開封府曹滑鄭州之民十餘萬築
大梁外城

三年夏六月癸亥詔曰輦轂之下謂之浩穰萬國駿奔
四方繁會此地比為藩翰近建京都人物誼闡閭巷隘
隄雨雪則有泥濘之患風旱則多火燭之憂每遇炎蒸

易生疫疾近者開廣都邑展列街坊雖然暫勞久成大
利朕昨自淮上迴及京師周覽康衢更思通濟千門萬
戶庶諧安樂之心盛暑隆冬倍減寒溫之苦其京城內
街道濶五十步者許兩邊人戶各于五步內取便種樹
掘井修蓋涼棚其三十以下至二十五步者各與三步
其次有差

五年夏五月賜東京新城諸門名在寅曰寅賓門在辰
曰延春門在巳曰朱明門在午曰景風門在未曰畏景

門在申曰迎秋門在戌曰肅政門在亥曰立德門在子
曰長景在丑曰愛景門改大內東偏舊賓天門為通苑
門又以京城東新修驛為懷信驛以待江南貢使焉

四年夏四月修永福殿

恭帝顯德六年冬十二月改萬歲殿為紫宸殿已下要考宋史本紀抄入

宋京城 按宋史地理志舊城周迴二十里一百五十
五步東二門北曰望春初名和政南曰麗景南面三門中曰
朱雀東曰保康大中祥符五年創建西曰崇明西二門南曰宜秋

北曰閶闔北三門中曰景龍東曰安遠西曰天波以上宋初

仍梁晉舊名至太平新城周迴五十里一百六十五步

興國四年改今名大國中祥符九年增築元豐元年重修政和六年詔有司

度國之南展築京城移置官司軍營舊城周迴四十里

二百二十三步周顯德三年築王應麟地理通釋曰

東京開封府舊城唐建中初李勉築本朝曰關城亦曰

裏城新城周顯德三年韓通築本朝曰國城亦曰外城

以其土鱣取鄭州虎牢關土築之俗呼為臥牛城也

南三門中曰南薰東曰宣化西曰安上東二門南曰朝

陽北曰含輝太平興國四年西二門南曰順天北曰金

輝北四門中曰通天天聖初改東曰長景次東曰永泰

西曰安肅初號衛州門上皆因周舊汴河上水門南

曰本通太平興國四年賜名天北曰宣澤舊南北水門

寧十汴河下南曰上善北曰通津天聖初改廣濟惠民

年改汴河下南曰上善北曰通津天聖初改廣濟惠民

河上曰普濟下曰廣利廣濟河上曰咸豐下曰善利舊名

咸上南門曰永順熙寧十年賜名其後又于金輝門南置開遠

門舊名通遠以上皆太平興國其濠曰護龍河濶十餘

文濠之內外皆植楊柳粉墻朱戶禁人往來城門皆甃

城三層屈曲開門惟南薰新鄭新宋封丘正門皆直門

兩重以通御路金元以下多湮塞舊有十三門南曰南薰陳州戴樓東曰新宋揚州新曹西曰新鄭萬勝固子北曰陳橋封丘新酸棗衛州今道路所通者惟曹鄭陳州揚州南薰固子封丘七門耳固或作垣非也

宋朝會要 自朱梁建都以汴州為東京皆因藩鎮舊制但改名額而周顯德初始廣新城周迴四十八里二百二十三步

趙德麟侯鯖錄 舊城周迴二十里一百五十五步

即汴州城唐建中二年節度使李勉重築國初號曰關城亦曰裏城新城乃周世宗顯德二年四月詔別築新城周迴四十八里二百二十三步號曰外城又曰羅城亦曰新城元豐中裕陵命內侍宋用臣重築之

宋敏求東京記 周世宗顯德二年四月詔京城四面別築羅城三年正月發京畿滑鄭曹之民命薛可言等督之仍命韓通總其事王朴經度凡通衢委巷

廣袤之間皆朴定其制踰年二成神宗熙寧中始四面為敵樓作甕城及濬治濠塹

周密發辛禡志 汴之外城周世宗時所築宋神宗又展拓之其高際天堅壯雄偉南關外有太祖講武池周美成汴都賦形容盡矣梁王鼓吹臺徽宗龍德宮舊址尚在

岳珂程史 開寶戊辰藝祖初修汴京大其城址曲而宛如蚓蝟焉耆老相傳趙中令鳩工奏圖初取方

直四面皆有門坊市經緯其間井井繩列上覽而怒自取筆塗之命以幅紙作大圈紆曲縱斜旁注云依此修築故城即當時遺蹟也時人咸罔測多病其不宜于觀美熙寧乙卯神宗在位遂欲改作覽苑中牧豚及內作坊之事卒不敢更第增埤而已及政和間蔡京擅國亟奏廣其規以便宮室苑囿之奉命宦侍董其役凡周旋数十里一撤而方之如矩墉堞樓櫓雖甚藻飾而蕩然無無曩時之堅樸矣一時迄功第

賞侈其事至以表記詞科之題槩可想見其張皇也
靖康胡馬南牧粘罕斡離不揚鞭城下有得色曰是
易攻下令植砲四隅隨方而擊之城既引直一砲所
望一壁皆不可立竟以此失藝祖沉幾遠睹至是始
驗宸筆所定圖宋承平時藏秘閣今不復存

和維愚見紀志 汴之外城門名各有意義如云鄭
門以其通往鄭州也如云酸棗門以其通往延津即
舊酸棗縣也其固子門未知其義近閱宣和遺事內

應載上清寶籙宮成浚濠水深三丈東則景龍門橋
西則天波門橋二橋之下壘石為固引舟相通而橋
上人物往來不覺又郡城沿革云西面門從南曰順
天門俗名龍門次曰利澤水門汴河自此入城次北
曰開遠門又名萬勝門次北曰金輝門俗名固子門
歐陽公歸田錄亦云飲於固子橋然則以壘石為固
而名其橋因以名其門也周禮掌固之職掌修城郭
橋之固以為固以依阻故曰固或曰固作顧視也汴

城卧牛之形北視黃河為子而子不敢來害其母此
臆度之說無所據

今省城即宋之舊裏城周回二十里一百九十步
高三丈五尺國朝洪武初重築外包以磚門五東
曰麗景南曰南薰西曰大梁北曰安遠東北曰仁
和外建月城上各建樓其西舊名望京角樓四敵
臺八十四窩鋪八十三東西南門甕城內皆有漢
壽亭侯廟而北門甕城內則立帝廟也皆近時建

宋大内宮室 宋史地理志曰東京汴之開封也梁為

東都後唐罷晉復為東京宋因周之舊為都建隆三年
廣皇城東北隅命有司画洛陽之制按圖修之而皇居
始壯麗矣雍熙三年詔殿前指揮使劉延翰等經度之
以居民多不欲徙遂罷宮城周回五里南三門中曰乾
元宋初依梁晉之舊名曰明德太平興國三年改丹鳳
大中祥符八年改正陽明道二年改宣德雍熙元年
改今名全唐詩話今東京皇城乾元門舊宣武軍鼓
角樓也節度使王彥威有詩刻石在其上後梁氏建國
其石不東曰左掖西曰右掖東西面門曰東華西華舊
知所在

寬仁神獸開寶三年改今名熙熙北一門曰拱宸舊名玄
寧十年又改東華門北日諺門北一門曰拱宸武大中
祥符五年改今名熙寧十乾元門內正南門曰大慶東
年改門內西橫門曰臨華乾元門內正南門曰大慶東
西橫門曰左右升龍左右北門內各二門曰左右長慶
熙寧間改左右嘉肅左右銀臺東華門曰左承天祥符
隔門曰左右嘉肅左右銀臺東華門曰左承天祥符
乾德六年賜名大中祥符六年正月天西華門內一門
書降其上詔加祥符二字而增葺之
曰右承天左承天門內道北門曰宣祐舊名光天大中
寧明道元正南門內正殿曰大慶東西門曰左右太和
年改今名正南門內正殿曰大慶東西門曰左右太和
宋初曰日華月華大正衙殿曰文德宋初曰文明雍熙
中祥符八年改今名大正衙殿曰文德元年改今名熙寧

間改南門兩掖門曰東西上閣東西門曰左右嘉福宋
曰左禮勤政明道大嘉殿舊名崇元乾德四年重修改
元大十月祥符八年改天北有紫宸殿舊名崇德明
安明道三年改今名改天北有紫宸殿舊名崇德明
之前殿也西有垂拱殿舊名長春明常日視朝之所也
次西有皇儀殿開寶四年賜名滋福又次西有集英殿
舊名廣政開寶三年曰大明淳化間曰含光大宴殿也
中祥符八年名會慶明道元年十月改今名
殿後有需雲殿舊名玉華後改瓊東有昇平樓舊名紫
元宮中觀宴之所也宮後有崇政殿舊名簡賢講武
改元宮中觀宴之所也宮後有崇政殿太平興國二年

改今名熙寧間改閱事之所也殿後有景福殿西有殿

北橫門曰通極

北向曰延和便坐殿也大中祥符七年建後苑東門洎

明二道元年改端凡殿有門者皆隨殿名宮中又有延

慶舊名萬歲大中安福觀文肅儀慶曆八年改今名清

景慶雲玉京等殿壽寧殿清景明道延春閣舊名萬春

改福寧殿即延慶明東西有門左右昭慶觀文殿西門

曰延真其東真君殿曰積慶前建感真閣又有龍圖閣

下有資政崇和宣德述古四殿天章閣下有郡王藥珠

閣東西有嘉德延康二

二殿後有寶文閣即壽昌閣慶

殿前有景輝門後苑東門曰寧陽即宣和門明

崇聖殿太清樓其西又有宣聖化成即玉宸殿明

西涼清心等殿翔鸞儀鳳二閣華景翠芳瑤津三亭延

福宮有穆清殿延慶殿北有柔儀殿初有殿無名章獻

道元年改寶慈景崇徽殿有欽明殿舊名天和明道元

祐二年改今名延福宮北有廣聖宮天聖二年建名長

風治平三延福宮北有廣聖宮天聖二年建名長

年改今名延福宮北有廣聖宮天聖二年建名長

太清玉清冲和集福會祥五殿建流盃殿于後苑明道

八月修文德殿成是夜禁中火延燔崇德長春滋福會
慶延慶崇徽天和承明八殿命宰相簡為脩葺大
內使樞密副使楊崇勳副之發京東西河南北淮江東
西路工匠給役內出與物左藏庫易緡錢二十萬助
其費以故又有慈德殿在後苑觀種稻延義閣在崇政
改諸殿名義殿西南景祐二年講讀之隆儒殿內英閣
邇英閣所在也與延義殿南景祐二年賜名治慶壽宮保慈宮熙寧
始賜名三年慈壽殿平元太后所居治慶壽宮保慈宮熙寧
建玉華殿苑後基春殿熙寧元年建後睿思殿八年承極
殿元豐三年崇慶隆祐二宮元祐元年睿成宮神宗所居東
賜宣和殿有在睿思殿後紹聖二年四月芳前曰重熙後曰別
名

環碧元符三年廢崇寧初復作大觀聖瑞宮居因以名
三年徽宗製刻石寔蔡京為之集建中玉虛殿元符
官顯謨閣靖國元年改曰熙明尋復舊中玉虛殿初建
玉華閣大觀初建在親蠶宮政和元年燕寧宮奉安仁宗
慈聖光獻延福宮外舊宮在後苑之西南今其地乃百
皇太后容延福宮在後苑之西南今其地乃百

司供應之所凡內酒坊裁造院油醋柴炭鞍轡等庫悉
移他處又遷兩僧寺兩軍營而作新宮馬始南向殿因
宮名曰延福次曰珠有亭曰碧琅玕其東門曰晨輝
其西門曰麗澤宮左復列三殿則有蕙馥報瓊蟠桃春
寧睿謨凝和崑玉郡其東閣蓋翠葆英雲錦蘭薰
錦疊瓊芬芳麗玉寒香拂雲偃蓋翠葆英雲錦蘭薰
摘金其西閣有繁雪香披芳玉絳華瓊華文綺芳穠
華綠綺瑤碧清陰秋香叢玉扶玉絳華瓊華文綺芳穠
十五

為山閣上殿曰翠微旁為二亭曰雲巖曰層巖凝和
之次曰玉澗其背附城築土植杏名曰杏岡覆茅為亭
修竹萬竿引流其下宮之右為圓池為海跨為二亭架
石梁以升山亭曰飛華橫度之四尺有奇海為二亭架
百六七十有七尺又疏泉為湖中作限以接亭隄中作
梁以通湖梁之上又為茅亭鶴鹿若孔翠諸柵蹄尾
動數千嘉花名木類聚區別幽勝宛在生成西抵麗澤
不類塵境初蔡京命童貫楊戩賈詳藍從熙何訢等分
任宮後五大內者稍為其度不務龍門西抵麗澤
東西配大內者稍為其度不務龍門西抵麗澤
東出二橫門皆視禁門舊城修麗澤第六也而晨輝
門出入尤多其後又跨舊城修麗澤第六也而晨輝
之外濠深者三丈尺東景龍門西抵麗澤第六也而晨輝
之下疊石為固引舟相通而橋上人物外自通行不覺

也名曰景龍江其後元符三年東過景龍門至封丘門及
龍江有龍德宮初元符三年東過景龍門至封丘門及
作景龍江夾岸皆奇花珍木殿宇北對峙中塗曰
壺春堂絕岸至龍德宮其地歲時次第拓後盡都城
一隅焉名曰擷芳園山水在舊城附見此保和殿和政
觀參差猶良嶽延福也宮在舊城附見此保和殿和政
三年四月作殿也宮在舊城附見此保和殿和政
成總為屋七十五間玉清神霄宮清和陽三年福建舊名玉
七年改上清寶籙宮政和五年作仁濟輔正龍門東對景輝
今名改上清寶籙宮政和五年作仁濟輔正龍門東對景輝
作上清寶籙宮密連禁署內列亭臺館舍不可勝計命
道士施民符藥徽宗時登皇城下視之開景龍門城
上作復道通寶籙宮以便齋醮之事徽宗數從復道上
往來是年十月二月初張燈于景龍門上下清寶籙宮
宵其明年乃萬歲山民嶽之政和七年始于山上清寶籙宮
有期門之乃萬歲山民嶽之政和七年始于山上清寶籙宮

其最高一峯九步上有書館八亭分東西二嶺直接南山
山之最東有萼綠華堂有壽山兩峰並峙有巖樓真磴山
秀軒龍吟堂山之西南則壽山有西莊有巢雲亭有白龍
北直絳霄樓山之西有藥寮有漢岩又有巢雲亭有白龍
沂濯龍峽燔秀光跨雲亭羅漢平池鑿大萬松嶺
畔有倚翠樓上設閣閣下有梅渚亭鑿大萬松嶺
作兩洲東為蘆渚中分二陽西為梅渚亭鑿大萬松嶺
為鳳池東出為鴈池分二陽西為梅渚亭鑿大萬松嶺
閣曰巢鳳堂曰三秀東池後有揮雪亭復有亭曰嶺道上有
介亭亭左復有亭曰極目曰蕭森右復有亭曰嶺道上有
出北俯景龍江引之流注澗際見高陽酒肆又
行石間為煉丹真觀山亭視澗際見高陽酒肆又
及清澗閣北岬有勝筠卷躡雲臺蕭小館飛岑亭支流
別為澗閣北岬有勝筠卷躡雲臺蕭小館飛岑亭支流
芙蓉城窮極巧妙而景龍南山之外則諸館舍尤精其北
因瑤華宮火取其地作大龍江名曰曲江流舍尤精其北

壺東盡封丘門而止其西則自天波闔闔引水直西
半曲江乃折南又折北五里屬之龍德宮宣和四年徽宗
德帝姬宅折北者四五里屬之龍德宮宣和四年徽宗
自為良嶽記以北者四五里屬之龍德宮宣和四年徽宗
鳳凰山後神降其詩有良嶽之萬壽峰又改名壽嶽宣和
六年詔以金芝產于良嶽之萬壽峰又改名壽嶽宣和
謂南山成又改名壽嶽之萬壽峰又改名壽嶽宣和
官自政和迄靖康積累十餘年四月花木奇石悉聚于
斯樓臺亭館雖畧如前所記而高增數丈載昭大舟數
計宣和五年朱勔畧如前所記而高增數丈載昭大舟數
以千夫鑿河斷橋毀堰拆種數月廣至賜號昭大舟數
神運石是年初得燕地故勔緣此授節度使昭大舟數
關興築不肯已歲晚患苑囿之衆國力不能支郡
有厭惡語由是得稍止及金人再至圍城日久欽宗命
取山禽水鳥盡投之汴河聽其人再至圍城日久欽宗命
砲伐竹為籬又取大鹿教百千頭殺之以為薪鑿石為

宋史元文至天聖初改今名止前接良歆下衛士云
之後

宋朝會典 今大內即宣武軍節度使治所朱梁建
都遂以衙署為建昌宮晉天福初又為大寧宮但改
名號而已周世宗雖加營繕猶未合古制建隆三年
發開封浚儀民廣皇城四年五月太祖命有司画洛
陽宮殿按圖修之自是皇都始壯麗矣

趙德麟候鯖錄 唐東京宮城東西四里一百八十
八步南北二里八十五步周四十三里二百四十三

里二百四十一步高四丈八尺宋東京宮城周回五
里

邵氏聞見錄 東京唐汴州梁太祖因宣武軍置建
昌宮晉改曰大寧宮周世宗雖加營繕猶未如王者
之制藝祖得天下之初即遣使圖西京大內業以改
作既成帝坐萬歲殿洞開諸門端直如繩嘆曰此如
吾心小有私曲人皆見之矣

葉少蘊石林燕語 京師大內梁氏建國止以為建

昌宮本唐宣武節度治所未暇增大也後唐莊宗遷洛復廢以為宣武軍晉天福中因高祖臨幸更號大寧宮今龍城是也其增展外羅城蓋周世宗始為之太祖建隆初以大內制度草創乃詔圖洛陽宮殿展皇城東北隅以鐵騎都尉李懷義與中貴人董後按圖營建初命懷義等凡諸門與殿須相望無得輒差故垂拱福寧柔儀清居四殿正重而左右掖與升龍銀臺等諸門皆然惟大慶殿與端門少差耳宮成太

祖坐福寧寢殿召近臣入觀諭曰吾心端正如此有少偏曲處汝曹必見之矣群臣皆再拜後雖嘗經

火屢修率不敢易其故處矣

按石林燕語與邵氏所記畧同

又曰大慶殿初名乾元太平興國祥符中皆因火改為乾元天安景祐中方改今名有龍墀沙墀凡正至大朝會尊號則御馬郊祀大禮則駕宿于殿之後閣百官為次宿于前之兩廊皇祐初始行明堂之禮又以為明堂仁宗御篆明堂二字每行禮則旋揭之

而已復去明德殿在大慶殿之西少次舊曰端明後
改文明祥符中因火再建易今名紫宸殿在大慶殿
之後少西其次又為垂拱殿自大慶殿後紫宸垂拱
之兩間有柱廊相通每月視朝則御文德所謂過殿
也東西閣門皆在殿後之兩旁月朔不御過殿則御
紫宸所謂入閣也月朔與誕節郊廟禮成受賀契丹
辭見亦皆御紫宸文德遇受冊發冊明堂宣赦亦御
而不常用宣麻不御殿而百官即庭下聽之紫宸不
受賀而拜表稱賀則于東上閣門國忌未赴景靈宮
先進名表慰則于西上閣門亦既庭下拜而授閣門
使蓋以閣不以殿也惟垂拱為日御朝之所集英殿
舊大名殿也明道中改今名每春秋大燕皆在此太
祖常御策制科舉人故後為進士殿試之所其東廊
後有樓曰昇平舊紫雲樓也每大燕則宮中登而觀
焉皇儀殿舊名滋福咸平太宗明德皇后居之以為
萬安宮后崩改舊明道中改今名故常廢而不用以

為治后喪之所

又曰東華門直北有東向門西與內東門相值俗謂之謬門而無榜張衡東京賦所謂謬門曲榭者也薛琮注謬曲屈斜行依城郭為道集韻謬字或作穆以為宮室相連之稱今循東華門牆而轉東面為北門亦可謂斜行依牆矣凡宮禁之言相承必皆有自也

按字訓謬別也東京賦但言別門耳

周密癸辛襍識

京師有八卦殿八門各有樹木山

石無一相類皆嵌石座亦穿空與石竅相通上欲有所往與所幸美人自一門出宮人仙衣扶輪一聲霹靂則仙樂並奏雲霄間石竅中腦麝烟起如霧

楊奐汴故宫記 元太宗十一年己亥春三月按部至于汴汴長吏宴于廢宮之長生殿懼後世無以考為纂其大槩云皇城南外門曰南薰南薰之北新城門曰豐宜橋曰龍津橋北曰丹鳳而其門三丹鳳北曰州橋橋少北曰文武樓遵御路而北橫街也東曰

太廟西曰郊社正北曰承天門而其門五雙闕前引
東曰登聞檢院西曰登聞鼓院檢院之東曰左掖門
門之南曰待漏院鼓院之西曰右掖門門之南曰都
堂承天之北曰大慶門而日精門左昇平門居其東
月華門右昇平門居其西正殿曰大慶殿東廡曰嘉
福西廡曰嘉瑞樓大慶之後曰德儀殿德儀之東曰
左昇龍門西曰右昇龍門元又類二隆字並非龍正門曰隆德
曰蕭牆曰丹墀曰隆德殿隆德之左曰東上閣門右
曰西上閣門皆南嚮東西二樓鐘鼓之所在鼓在東
鐘在西隆德之次曰仁安門仁安殿東則內侍局內
侍之東曰近侍局近侍之東曰嚴祇門宮中則曰撤
合門少南曰東樓即授除樓也西曰西樓仁安之次
曰純和殿正寢也純和西曰雪香亭雪香之北后妃
位也有樓樓西曰瓊香亭亭西曰涼位有樓樓北少
西曰玉清殿純和之次曰寧福殿寧福之後曰苑門
由苑門而北曰仁智殿有二大石左曰敷錫神運萬

歲峰右曰玉京獨秀太平石殿曰山莊莊之西南曰
翠微閣苑門東曰仙韶院院北曰湧翠峯峰之洞曰
大滌湧翠東連長生殿殿東曰湧金門湧金之東曰
蓬萊殿長生西曰浮玉殿浮玉之西曰瀛洲殿長生
之南曰闕武殿闕武南曰內藏庫由嚴祈門東曰尚
食局尚食東曰宣徽院御藥北曰右藏庫右藏之東
曰左藏宣徽東曰點檢司點檢北曰秘書監秘書北
曰學士院學士之北曰諫院諫院之北曰武器署點
檢之南曰儀鸞局儀鸞之南曰尚輦局宣徽之南曰
拱衛司拱衛之南曰尚衣局尚衣之南曰繁禧門繁
禧南曰安泰門安泰西與左升龍門直東則壽聖宮
兩宮太后位本明儀殿試進士之所宮北曰徽音殿
徽音之北曰燕壽殿燕壽殿垣後少西曰震肅衛司
東曰中衛尉司儀鸞之東曰小東華門更漏在焉中
衛尉司東曰祗肅門祗肅門東少南曰將軍司徽音
聖壽之東曰太后苑苑之殿曰慶春慶春與燕壽並

小東華與正東華對東華門內正北尚厩局尚厩西
北曰尚醞局湯藥局侍儀司少西曰符寶局器物局
西則撒合門嘉瑞樓西曰三廟正殿曰德昌東曰文
昭殿西曰光興殿並南嚮德昌之後宣宗廟也宮西
門曰西華與東華直其北門曰安貞二大石外凡花
石臺榭池亭之細並不錄觀其制度簡素比土階茅
茨則過矣視漢之所謂千門萬戶珠壁華麗之飾則
無有也因其制度而損益之以求其稱斯可矣

國朝洪武十一年即宋故宮遺址建周王府乃太
祖第五皇子謚定始分封之國宗室繁衍甲于他
藩城中井水悉苦醃難飲汴人率于城外及水飲
之惟周府太廟前井水甘蓋宋大內故井也

石林詩話 京師職事官皆無公廨雖宰相執政亦
僦舍而居每遇出省或有中批外奏急速文字則省
吏偏持于私第呈押既稽緩又多漏泄元豐初始建
東西府於右掖門之前每府相對為四位裕陵幸尚

書省駐輦環視久之時張侍郎文裕以詩慶宰執元參政厚之和曰黃閣勢連東鳳闕紫樞光直右銀臺蓋東府與西闕相近西府正直右掖門

避暑錄話 舊學士院在樞密院之後其南廡與樞密後廊中分門乃西向玉堂本以待乘輿行幸非學士所得常居惟禮上之日得略坐其東受院令參謁而已其後為主廊北出直集英殿則所謂北門也學士僅有直舍分于門之分旁每鎖院受詔乃與中使

坐主廊余為學士時始請闢兩直舍各分其一間與北門通為三以照壁限其中屏間命待詔鮑詢畫花竹于其上與玉堂郭熙春江晚景屏相配當時以為美設後聞王丞相將時為承旨太上皇眷愛之厚乃旁取西省右正言廳以廣之中為殿曰右文則非余前日所見矣

吳處厚青箱雜記 梁祖都汴庶事草創正明中始於今右長慶門東北創小屋數十間為三館湫隘尤

甚又周廬微道咸出其間衛士駟卒朝夕喧襍每授
詔譔述皆移他所至太平興國中車駕臨幸顧左右
曰若此卑陋何以待天下賢俊即日詔有司規度左
昇龍門東北東府地為三館命內臣督役晨夜兼作
不日而成尋下詔賜名崇文院以東廊為昭文館書
庫南廊為集賢院書庫兩廊以經史子集四部為史
館庫凡六庫書籍正副本八萬本斯亦盛矣

東京夢華錄曰東都外城方圓四十餘里城濠曰護龍
河濶十餘丈濠之內外皆植楊柳粉牆朱戶禁人往來
城門皆甃城三層屈曲開門唯南薰門新鄭門新宋門
封丘門皆直門兩重蓋此係四正門皆留御路故也新
城南壁其門有三正南門曰南薰門城南一邊東南則
陳州門傍有蔡河水門西南則戴門亦有蔡河水門蔡
河正名惠民河為通蔡州故也東城一邊其門有四東
南曰東水門乃汴河下流水門也其門跨河有鐵裹牕
門遇夜如閘垂下水面兩岍各有門通人行路出拐子

城夾岬百餘丈次則曰新宋門次曰新曹門又次曰東北水門乃五丈河之水門也次曰萬勝門又次曰固子門又次曰西北水門乃金水河水門也北城一邊其門有四從東曰陳橋門乃大遼人使驛路次曰封丘門北郊御路次曰新酸棗門次曰衛州門諸門名皆俗呼其正名如水西門曰利澤鄭州本順天門固子門固子門本金耀門新城每百步設馬面戰棚密直女頭旦暮修整望之聳然城裏牙道各植榆柳成陰每二百步置一防城庫置守禦之器有廣固兵士二十指揮每日修造泥

飾專有京城所提搃其事

舊京城方圓約二十里許南壁其門有三正南曰朱雀門左曰保康門右曰新門東壁其門有三從南汴河南岸角門子河北岬曰舊宋門次曰舊曹門西壁其門有三從南曰舊封丘門次曰景龍門乃大內城角前也次曰金水門

穿城河道有四南壁曰蔡河自陳蔡由西南戴樓入京城遼繞自東南陳州門出河上有橋十一自陳州門裏

曰觀橋在後門從北次曰宣泰橋次曰雲騎橋次曰橫

橋子在彭婆之宅後次曰高橋次曰西保康門橋正對內前次曰新

橋次曰太平橋高殿前次曰糶麥橋次曰第一座橋次

曰宜男橋出戴樓門外曰四里橋中曰汴河自西京洛

口分水入京城東去至泗州入淮運東南之糧凡東南

方物自此入京城公私仰給焉自東水門外七里至西

水門外河上有橋十三從東水門外七里曰虹橋其橋

無柱皆以巨木虛架飾以丹艧宛如飛虹其上下土橋

亦如之次曰順城倉橋入水門裏曰便橋次曰下土橋

次曰上土橋投西角子門曰相國寺橋次曰州橋正名大漢

橋正對於大內御街其橋與相國寺橋皆低平不通舟

船惟西河平船可過其柱皆青石為之石梁石笋楹欄

近橋兩岸皆壁雕鏤海馬水獸飛雲之狀橋下密排石

柱蓋車駕御路也州橋之北岍御路東西二關樓觀對

聳橋之西有方淺船二隻頭置巨幹鐵槍數條岍上有

鐵索三條遇夜絞上水面蓋防遺失舟船矣西去曰浚

三

儀橋次曰興國寺橋

亦名馬軍衙橋

次曰太師府橋

蔡相宅前次曰

金梁橋次曰西浮橋

舊以船為之橋今皆用木石造矣

次曰西水門便

橋門外曰橫橋東北曰五丈河來自濟鄆般輓京東路

糧斛入京城自新曹門外入京河上有橋五東去曰小

橫橋次曰廣脩橋次曰蔡市橋次曰青暉橋滌院橋西

北曰金水河自京城西南分京索河水築隄從汴河上

用木槽架過後西北水門入京城夾牆遮擁入大內灌

後苑池浦矣河上有橋三曰白虎橋橫橋五王宮橋之

類又曹門河小子橋曰念佛橋

大內正門宣德樓列五門門皆金釘朱漆壁皆磚石間

甃鑄鏤龍鳳飛雲之狀莫非雕甍畫棟峻楹層榱後以

琉璃瓦曲尺朶樓朱欄彩檻下列兩關亭相對悉用朱

紅杈子入宣德樓正門乃大慶殿庭設兩樓如寺院鐘

樓上有太史局保章正測驗時漏逐時刻執牙牌奏每

遇大禮車駕齋宿及正朔朝會于此殿殿外左右橫門

曰左右長慶門內城南壁有門三座係大朝會趨朝路

宣德樓左曰左掖門右掖門左掖門裏乃明堂右掖門裏西去乃天章寶文等閣宮城至北廊約百餘丈入門東去街北廊乃樞密院次中書省次都堂宰相朝退次治事于此門下省次大慶殿外廊橫門北去百餘步又一橫門每日宰執趨朝此處下馬餘侍從臺諫于第一橫門下馬行至文德殿入第二橫門東廊大慶殿東偏門西廊中書門下後省次修國史院次南向小角門正對文德殿常朝也殿前東西大街東出東華門西出西華門近裏又

兩門相對左右嘉肅門也南去左右銀臺門自東東華門裏皇太子宫入嘉肅門街南大慶殿後門東西上閣門街北宣祐門南北大街西廊面東曰凝暉殿乃通會通門入禁中矣殿相對東廊門樓乃殿中省六尚局御厨殿上常列禁衛兩重時刻提警出入甚嚴近裏皆近侍中貴殿之外皆知省御藥幕次快行親從官輦官車子院黃院子內諸司兵士祇候宣喚及宮禁買賣進貢皆由此入宣祐門外西去紫宸正朔受朝于此次曰文德殿常朝

御次曰垂拱殿次曰皇儀殿次曰集英殿御宴及試後舉人于此殿曰崇政殿保和殿內書閣曰眷思是思殿後門曰拱辰門

內諸司皆在禁中如學士院皇城司四方館客省東西

上閣門通進司內弓劍槍甲軍器等庫翰林司茶酒內局也

侍省入內內侍省內藏庫奉宸庫景福殿庫延福宮殿

中省六尚局尚藥尚食尚輦尚醞尚舍尚衣諸閣外內香藥庫後苑作

翰林書藝局醫官局天章等閣明堂班朔布政府

外諸司左右金吾街仗司法酒庫內酒坊牛羊司乳酪

院儀鸞帳設局也車輅院供奉庫襍物庫襍賣務東西作坊

萬全造軍器所修內司文思院上下界綾錦院文繡院軍器

所上下竹木務箔場車營致遠務驟務馳務象院作坊

物料庫東西窰務內外物庫油醋庫京城守具所鞍轡

庫養馬曰左右驥院天駟十監河南北十炭場四熟

藥局內外柴炭庫軍頭引見司架子營樓店務權貨務

都茶場大宗正司左藏大觀元豐宣和等庫編估局打

套所諸米麥等自州東虹橋元豐倉順成倉水東裏河折中外河折中富國廣盈萬盈永豐濟遠等倉陳州門裏麥庫子州北夷門山五丈河諸倉約共有五十餘所日有支約下卸即有下卸指軍兵士支遺即有袋家每人肩兩石布袋遇有支遺倉前成市近新城有草場二十餘所每遇冬月諸鄉納粟稈草牛車填塞道路車尾相啣數十萬輛不絕場內堆積如山請軍打請營在州北即往州南倉不許僱人搬擔並要親自負來祖宗之法也

坊巷御街自宣德樓一直南去約濶二百餘步兩邊乃御廊舊許市人買賣於其間自政和間官司禁止各要立黑漆杈子路心又安朱漆杈子兩行中心御道不得人馬行往行人皆在廊下朱杈子之外杈子裏有磚石甃砌御溝水兩道宣和間盡植蓮荷近岬植桃李梨杏襟花相間春夏之間望之如繡

宣德樓前左南廊對左掖門為明堂頒朔布政府秘書

省右廊南對右掖門近東則兩府八位西則尚書省御街大內前南去左則景靈東宮右則西宮近南大晟府次曰太常寺州橋曲轉大街面南曰左藏庫

金史 南京路國初曰汴京貞元元年更號南京

都城門十四曰開陽曰宣仁曰安利曰平化曰通遠曰宜照曰利川曰崇德曰迎秋曰廣澤曰順義曰迎翔曰順常曰廣智宮城門南外曰南薰南薰北新城門曰豐宜橋曰龍津橋北門曰丹鳳其門三丹鳳北曰丹橋橋

少北曰文武樓遵御路而北橫街也東曰太廟西曰郊社正北曰承天門其門五雙闕前引東曰登聞檢院西曰登聞鼓院檢院東曰左掖門門南曰待漏院鼓院西曰右掖門門南曰都堂直承天門北曰大慶門門東曰日精門又東曰左昇平門天慶門西曰月華門又西曰右昇平門正殿曰大慶殿殿前有龍墀又南有丹墀東廡曰嘉福樓西廡曰嘉瑞樓大慶後曰德儀殿殿東曰左昇龍門西曰右昇龍門正門曰隆德內有隆德殿有

蕭牆有丹墀隆德殿左曰東上閣門右曰西上閣門皆
南嚮鼓樓在東鐘樓在西隆德之次曰仁安門仁安殿
東則內侍局又東曰近侍局又東曰嚴祇門宮中則稱
曰撒合門少南曰東樓則授除樓也西曰西樓仁安之
次曰純和殿正寢也純和西曰雪香亭亭北則后妃位
也有樓樓西曰瓊香亭亭西曰涼位有樓樓北少西曰
玉清殿仁和之次曰福寧殿殿後曰苑門內曰仁智殿
有二太湖石左曰敷錫神運萬歲峰右曰玉京獨秀太
平巖殿曰山莊其西南曰翠微閣閣北曰翠峰峯之洞
曰大滌湧翠東連長生殿又東曰湧金殿又東曰蓬萊
殿長生西曰浮玉殿又西曰瀛洲殿長生殿南曰闕武
殿又南曰內藏庫嚴祇門東曰尚食局又東曰宣徽院
院北曰御藥局又北右藏庫東則左藏庫宣徽院東曰
曰點檢司司北曰秘書監又北曰學士院又北曰諫院
又北曰武器署點檢司南曰儀鸞局又南曰尚輦局宣
徽院南曰拱衛司又南曰尚衣局其南為繁禧門又南

曰安泰門門與左昇龍門相直東壽聖宮兩宮太后也
本明俊殿試進士之所宮北曰徽音院又北曰燕壽殿
殿垣後少西曰振肅衛司東曰中衛尉司儀鸞局東曰
小東華門更漏在焉中衛尉司東曰祇肅門少東南曰
將軍司徽音壽聖東曰太后苑苑殿曰慶春與燕壽殿
並小東華與正東華門對東華門內正北尚廐局其西
北曰臨武殿左掖門北尚食局南曰宮苑司其西北尚
醞局湯藥局侍衛司少西曰符寶局器物局又西則撒
合門也嘉瑞樓西曰三廟正殿曰德昌東曰文昭西曰
光興德昌後宣宗廟也宮西門曰西華與東華相直北
門曰安貞

大金國志曰貞元三年國主陰有南征之志乃謀遷都
汴京先遣參知政事馮長寧為留守經畫條內未幾天
火焚之宮室皆盡主大怒免長寧為庶人尋杖之死
正隆元年冬復修汴京大內遣左丞相領行臺尚書省
督其事以梁漢臣為提舉官號大使詔曰朕祇奉上玄

君臨萬國屬從朔地爰出幽都猶跼跡于一隅非光宅
於中土顧理道所在有因有循權變所生有革有化大
梁天下之都會陰陽之正中朕惟變通之數其可違乎
往歲卜宅相土宜建新都將命不度燼于一炬第山川
秀麗卉物繁滋朕夙有志焉雖則劬勞其究安宅其大
內規模一仍舊貫可大新勞構乘時葺理
汴京制度宣宗所遷大槩依宋之舊故宮宮牆四角皆
有樓高五丈每樓一所兩旁各有屋以裏牆角自左掖
門向西三十步橫入一門號左昇龍門入此門即大慶
門外游峻廊上俯闔城市正望丹鳳樓後下樓即右昇
龍門此兩門通左右掖門橫通大慶門外其門有三中
曰大慶東曰日精西曰月華門旁皆列戟入此門望見
大慶殿殿前有兩樓對峙東曰嘉福西則嘉瑞大慶殿
屋十一間龍墀二級旁朵殿各三門峻廊後與兩廡相
接殿壁畫四龍各長數丈乃宣宗渡河後畫中有御畫
小龍用拱斗闔成一方井如佛正殿蓋中有一金龍以

絲網罩之此正衙也轉西御屏下峻階數步一殿曰德義殿有三門中曰隆平左曰左隆平右曰右隆平入此門東西兩井望見隆德殿即宋垂拱殿也殿庭中東一鐘樓西一鼓樓殿屋五大間階上龍墀一級東西兩閣門並樓屋下有門通往來此常朝殿也此殿後又一庭院有門曰仁安東西兩門東出東華門入仁安門望見仁安殿龍墀兩廊皆入仁德殿規模即宋集英殿也自此後兩殿有門皆有船軒連接西邊廊屋止是黑漆牕戶意謂必宮人居於此乃內殿百官不到前四殿皆琉璃筒瓦一殿曰德和一殿曰福寧後有一小殿殿後有直舍此殿後即內宮牆門有門兩重出入後苑十數步間過一小溪橋有仁智殿溪中有龍舟仁智殿下兩巨石高三丈廣半之東一石有小碑刻敕賜昭度神運萬峰西一石刻獨秀太平岩乃宋徽宗御書刻石填金殿後有石壘成山高百尺廣倍之最上刻石曰香石泉山山後輓水上山水自流下至荆玉澗又流至湧翠峰下

有大山湧水自洞門飛下復由本路出德和殿迤邐至
大慶門外橫溢右昇龍門出後朝門榜曰啟慶之宮入
宮門後有三門中曰德昌左曰文昭右曰光興制度宏
麗金碧輝映不可勝言出啟慶門復入右昇龍門過大
慶門外出左昇龍門向東行一門向南榜曰聖壽宮左
安泰門右明昌門即金國太后宮入宮門直入一門榜
曰徽音又一門榜曰光熙望見徽音殿長樂殿入光翼
門繁禧門有德壽殿復出此宮即秘閣在左掖門之西
五門之東即古待漏院自五門望南向丹鳳門中間禁
路兩廊千步廊盡處向東一屏牆向南一大門即太廟
門內三門門上並畫蟠龍殿宇二十五間高大宏麗兩
旁修廊東西各開一門與廊相通蓋百官倍位入此兩
門甚便殿上十一室盡榜金國祖宗謚號每一室計三
門東邊一門西邊一牕嵌一小石室上下有石廣三丈
石門一閣可開閉係藏神主處遇祭祀迎神主出石室
發畢復藏殿宇出太廟向西行向南一門即社壇周圍



皆墻外四門遇祭則開迎四方之氣宮室制度金國時
有改更大抵皆宋朝之舊也

歷代帝王宅京記卷之十八

崑山顧炎武寧人氏錄

宋州
宋

宋史地理志曰大中祥符七年建應天府為南京宮城
周二里三百一十六步門曰重熙頒慶殿曰歸德元豐六年
賜度僧牒修外京城周回一十五里四十步東二門南
城門及西橋等

曰延和北曰昭仁西二門南曰順城北曰迴鑾南一門
曰崇禮北一門曰靜安中有隔城又有門二東曰承慶
西曰祥輝其東又有關城南北各一門

葉夢得石林燕語曰應天府藝祖肇基之地祥符七年
建南京詔即衙城為大內正殿以歸德為名雖降圖營
建而寔未嘗行天禧中王曾為守請減省舊制別為圖
以進亦但報聞其後僅修祥輝崇禮二門而已元豐間
蘇頌自南京還朝請以曾奏先修歸德一殿約為屋百

間神宗亦未暇也惟正門以真宗觀醵賜名重熙頒慶
慶樓猶是雙門未嘗改作

玉海曰宋州景德三年二月甲申升應天府祥符七年
正月丙辰升南京詔曰洪惟藝祖歷試是邦同豳土之
始基應舂陵之王氣稽唐氏晉陽之制肇建新都

地理通釋曰南京應天府關伯所居商丘周為宋國漢
為梁國隋唐為宋州太祖以歸德軍節度使即位定有
天下之號曰宋景德四年升應天府大中祥符七年升

南京高宗即位於此

臨安

宋

宋史地理志曰行在所建炎三年閏八月高宗自建康如臨安以州治為行宮宮室制度皆從簡省不尚華飾垂拱大慶文德紫宸祥曦集英六殿隨時易名寔一殿重華慈福壽慈壽康四宮重壽寧福二殿隨時異額寔德壽一宮延和崇政復古選德四殿本射殿也慈寧殿

紹興九年以太欽先孝思殿十五年建在翠寒殿孝宗

后有歸期建損齋紹興末建貯經史東宮在麗正門內孝宗莊文講

筵所資善堂在行宮門內天章龍圖寶文顯猷徽猷敷

文煥章華文寶謨九閣寔天章一閣

輿服志曰宮室汴宋之制侈而不可以訓中興服御惟務簡省宮殿尤朴皇帝之居曰殿總曰大內又曰南內本杭州治也紹興初創為之休兵後始作崇政垂拱二殿久之又作天章等六閣寢殿曰福寧殿淳熙初孝宗

始作射殿謂之選德殿八年秋又改後殿擁舍為別殿
取舊名謂之延和殿便坐視事則御之他如紫宸文德
集英大慶講武惟隨時所御則易其名紫宸殿遇朔受
朝則御焉文德殿降赦則御焉集英殿臨軒策士則御
焉大慶殿行冊禮則御焉講武殿閱武則御焉其寔垂
拱崇政二殿權更其號而已二殿雖曰大殿其修廣僅
如大郡之設廳淳熙再修止循其舊每殿為屋五間十
二架修六丈廣八丈四尺殿南簷屋三間修一丈五尺
廣亦如之兩朶殿各二間東西廊各二十間南廐九間
其中為殿門三間六架修三丈廣四丈六尺殿後擁舍
七間即為延和其制尤畧陛階一級小如常人所居而
已奉太上則有德壽宮重華宮壽康宮奉聖母則有慈
寧宮慈福宮壽慈宮德壽宮在大內北望仙橋故又謂
之北內紹興三十二年所造宮成詔以德壽為名高宗
為上皇御之重華即德壽宮也孝宗遜位御之壽康宮
即寧福宮也初丞相趙汝愚議以秘書省為泰寧宮已

而不果行以慈懿皇后外第為之上皇不欲遷因以舊
寧福殿為壽康宮光宗遜位御之大內苑中亭殿亦無
增其名稱可見者僅有復古殿損齋觀堂芙蓉閣翠寒
堂清華閣禪木堂隱岫澄碧倚柱隱秀碧琳堂之類此
南內也北內苑中則有大池引西河水注之其上疊石
為山象飛來峰有樓曰聚遠禁蘊周回四分之東則香
遠清深月臺梅坡松菊三徑清妍清新芙蓉岡南則載
欣欣射廳臨賦燦錦至樂半大紅清曠瀉碧西則冷
泉文杏館靜樂浣溪北則絳華旱船俯翠春桃盤松皇
太子宫曰東宮其未出閣但聽讀于資善堂堂在宮門
內已受冊則居東宮宮在麗正門內紹興三十二年始
置孝宗居之莊文太子立復居之光宗為太子孝宗謂
輔臣曰今後東宮不須新建朕宮中宮殿多所不御可
移修之自是皆不別建淳興二年始新建射宮一為游藝
之所圃中有榮觀玉淵清賞等堂鳳山樓皆宴息之地
也幕殿即周官大小次也東都時郊壇大次謂之青城

祀前一日宿齋詣焉其制中有二殿外有六門前曰泰
裡後曰拱極東曰祥曦西曰景曜東偏曰承和西偏曰
迎禧大殿曰端誠便殿曰熙成中興後以事天尚質屢
詔郊壇不得建齋宮惟設幕屋而已其制架木而以葦
為障上下四旁周以屋帟以象宮室謂之幕殿及行事
又于壇所設小次大小次之外又有望祭殿遇雨則行
事於中東都時為瓦屋五間周圍重廊中興後惟設葦
屋盖倣清廟茅屋之制也

玉海曰紹興四年將還臨安始命有司建太廟十二年
作太社太稷皇后廟都亭驛太學十三年築圜丘景靈
宮高煤壇秘書省十五年作內中神御殿十六年廣太
廟建武學十七年作玉津園太乙宮萬壽觀十八年築
九宮貴神壇十九年建太廟齋殿二十年作玉牒所二
十二年作左藏庫南省倉二十五年建執政府二十六
年築兩相第太醫局二十七年建尚書六府凡定都二
十年而郊廟宮省始備

方回南渡後郊丘考曰紹興十三年正月禮部太常寺
申請命殿前都指揮使楊存中知臨安府王煥因國朝
禮制建郊丘於國之東南及建青城齋宮在嘉會門外
南四里龍華寺西為壇四成上成從廣七丈再成十二
丈三成十七丈四丈二十二丈分十二陛陞七十二級
壇及內壇七百九十步中外壇通二十五步燎方一丈
高一丈二尺在壇南二十步內地餘四十步以列仗衛
惟青城齋宮及望祭殿詔勿營臨事則為幕屋略倣汴
京制度大殿曰端成便殿為熙成其外為泰禋門
隆興三年以寢殿在淨明寺易安齋去青城稍遠乃徙
寺之舊熙成殿于端成殿後以充寢殿
又曰紹興四年就臨安行宮合祀天地並侑祖宗時行
宮草創一大殿大朝會榜曰文德殿策進士唱名榜曰
集英殿秋享榜曰明堂殿初太廟寓温州至是已建新
太廟於臨安而景靈宮未建但即常御殿設位朝獻紹
興十三年始建景靈宮於新莊橋之西

岳珂程史曰行都之山肇自天目負山之址有門曰朝天南循其陘為太室又南為相府斗拔起數峯為萬松八盤嶺下為釣天九重之居右為複嶺設周廬之衛止焉舊傳讖記曰天目山垂兩乳長龍騫鳳舞到山明水秀無人會五百年間出帝王錢氏有國世臣事明朝不欲其語之間因更其末句曰異姓王讖寔不然也建炎元二之災六龍南巡四朝奠都帝王之真于是乎駟朝天之東有橋曰望仙仰眺吳山如卓馬立顧紹興間望氣者以為有鬱葱之符秦檜顯國心利之請以為賜第其東偏即檜家廟而西則一德格天閣之故基也檜死嬉猶戀戀不能決去請以其姪常州通判烜為光祿丞留蒞家廟以為復居之萌芽言者風聞遂請罷烜併遷廟主于建康遂空其居高宗將倦勤詔即其所築新宮賜名德壽居之以膺天下之養者二十有七年清蹕躬朝歲時燁奕重華繼御更慈福壽慈凡四侈鴻名宮室寔皆無所更稍比連甍為今佑聖觀蓋普安故邸

莊文魏王光宗皇帝寔生是間今上亦于此開甲觀之
祥

陳隨應南渡行宮記曰杭州治舊錢王宮也紹興因以
為行宮皇城九里入寧門左進奏院玉堂右中殿外庫
至北宮門循廊左序巨璫幕次列如魚貫祥曦殿朶殿
接修廊為後殿對以御酒庫御藥院慈元殿外庫內侍
省內東門司大內都巡檢司御廚天章等閣廊回路轉
衆班排列又轉內藏庫對軍器庫又轉便門垂拱殿五
間十二間修六丈廣八丈四尺簷瓦三間修廣各丈五
朶殿四兩廊各二十間殿門三間內龍墀折檻殿後擁
舍七間為延和殿右便門通後殿殿左一殿隨時易名
明堂郊祀曰端誠策士唱名曰集英宴對奉使曰崇德
武舉及軍班授官曰講武東宮在麗正門內南宮門外
本宮會議所之側入門垂楊夾道間芙蓉環朱闌重至
外宮門節堂後為財帛生料二庫環以官屬直舍轉窰
子入內宮門廊右為贊導春坊直舍左講堂七楹扁新

益外為講官直舍正殿向明左聖堂右祠堂後凝華殿
瞻棗堂環以竹左寢室右齋安位內人直舍百二十楹
左彞齋太子賜號也接繡香堂便門通繹己堂重簷複
屋昔楊太后垂簾于此曰慈明殿前射圃竟百步環修
廊右博雅樓十二間左轉數十步雕欄花甃萬卉中出
秋千對陽春亭清霽亭前芙蓉後木樨玉質亭梅繞之
由繹己堂過錦膳廊百二十間直通御前廊外即後苑
梅花千樹曰梅崗亭曰冰花亭枕小西湖曰水月境界
曰澄碧牡丹曰伊洛傳芳芍藥曰冠芳山茶曰崔丹桂
曰天闕清香堂曰本支百世祐聖祠曰慶和泗洲曰慈
濟鐘呂曰得真橘曰洞庭佳味茅亭曰昭儉木香曰架
雪竹曰賞靜松亭曰天陵偃蓋以日本國松木為翠寒
堂不施丹雘白如象齒環以古松碧琳堂近之一山崔
嵬作觀堂為上焚香祝天之所吳知古掌焚修每三茅
觀鐘鳴觀堂之鐘應之則駕輿山背芙蓉閣風帆沙鳥
履寫下山下一溪縈帶通小西湖亭曰清漣恠石夾列

獻瑰逞秀三山五湖洞穴深杳豁然平朗翬飛翼拱凌
虛樓對瑞慶殿損齋緝熙崇政殿之東為欽先孝思復
古紫宸等殿木圍即福寧殿射殿曰選德坤寧殿貴妃
昭儀婕妤等位宮人直舍螳聚焉又東過閣子庫睿思
殿儀鸞修內八作翰林諸司是謂東華門

元

元史世祖本紀曰至正二十二年春正月庚辰毀宋郊

天臺桑哥言楊犖

亦作璉

真加云會稽有泰寧寺宋毀之

以建寧宗等攢宮錢塘有龍華寺宋毀之以為南郊皆
勝地也宜復為寺以為皇上東宮祈壽時寧宗等攢宮
已毀建寺勅毀郊天臺亦建寺焉

二十五年春二月江淮總攝楊璉真加言以宋宮室為
塔一為寺五

臨潢

遼

遼史兵衛志曰遼建五宗臨潢契丹故壤遼陽漢之遼

東為渤海故國中京漢遼西地自唐以來契丹有之析
津大同故漢地

又曰太祖建皇都於臨潢府太宗定晉晉王石敬瑭來
獻十六城乃定四京改皇都為上京

地理志曰上京臨潢府本漢遼東郡西安平之地新莽
曰北安平太祖取天梯蒙國別魯三山之勢于葦甸射
金甌側角反箭以識之謂之龍眉宮神冊三年城之名
曰皇都天顯十三年更名上京府曰臨潢涑流河自西

北南流遶三面東入于曲江其北東流為按出河又有
御河沙河黑河潢河鴨子河他魯河狼河蒼耳河輞子
河臚朐河陰涼河鴛鴦湖輿國惠民湖廣濟湖鹽灤百
狗湖大神淀馬孟山兔兒山野鵲山鹽山鑿山松山平
地松林大斧山列山屈劣山勒得山唐所封大賀氏勒
得王有墓存焉

又曰上京太祖創業之地負山抱海天險足以為固地
沃宜耕植水草便畜牧金甌一箭二百年之基壯矣天

羅元年平遼海麟乃展郭郭建宮室名以天贊起三大

殿曰開皇

太祖紀二年冬十月己亥朔建明王樓七年

一月甲子朔建開

皇殿于明王樓基

安德五鑿中有歷代帝王御容每月

朔望節辰忌日在京文武百官並赴致祭又于內城東

南隅建天雄寺奉安烈考宣簡皇帝遺像是歲太祖崩

應天皇后於義節寺斷腕致太祖陵即寺建斷腕樓樹

碑焉太宗援立晉遣宰相馮道劉昫等持節具鹵簿法

服至此冊上太宗及應天皇后尊號太宗詔蕃部並依

漢制御開皇殿闕承天門受禮因改皇都為上京城高

二丈不設敵樓幅員二十七里門東曰迎春曰雁兒南

曰順陽西曰金鳳曰西雁兒曰南福其北謂之皇城高

三丈有樓槽門東曰安東南曰大順西曰乾德北曰拱

辰中有大內內南門曰承天有樓閣東門曰東華西曰

西華此通內出入之所正南街東留守司衙次鹽鐵司

次南曰龍寺街南曰臨潢府其側臨潢縣縣西南崇孝

寺承天皇后建寺西長泰縣又西天長觀西南國子監

監北孔子廟廟東節義寺又西北安國寺太宗所建寺
東齊天皇后故宅宅東有元妃宅即法天皇后所建也
其南具聖尼寺綾錦院內省司麴院膳國省司二倉皆
在大內西南八作司與天雄寺對南城謂之漢城南當
橫街各有樓對峙下列井肆東門之北路縣又東南興
仁縣南門之東回鶻營回鶻商販留居上京置營居之
西南同文驛諸國信使居之驛西南臨潢驛以待夏國
使驛西福先寺寺西宣化縣西南定霸縣縣西保和縣
西門之北易俗縣縣東遷遷遼縣

周廣順中胡嶠記曰上京西樓有邑屋市肆交易無錢
而用布有綾錦諸工作宦者翰林伎術教坊角觝儒僧
尼道士皆中國人并汾幽薊為多

宋大中祥符九年薛映記曰上京者中京正北八十里
至松山館七十里至崇信館九十里至廣寧館五十里
至姚家寨館五十里至咸寧館三十里渡潢水石橋旁
有饒州唐于契丹嘗置饒樂令渤海人居之五十里保

和館度黑水河七十里宣化館五十里長泰館館西二十里有佛舍民者即祖州又四十里至臨潢府自過崇信館乃契丹舊境其南奚地也入西門門曰金德內有臨潢館子城東門曰順陽北行至景福門又至承天門內有昭德宣政二殿與毡廬皆東向臨潢西北二百餘里號涼淀在饅頭山南避暑之所多豐草掘地丈餘即有堅冰

國語解曰遼有四樓在上京者曰西樓木葉山曰南樓龍化州曰東樓唐州曰北樓歲時游獵常在四樓間五代史四夷附錄曰阿保機以其所居為上京起樓其間號西樓又于其東千里起東樓北三百里起北樓南木葉山起南樓四樓之間契丹好鬼而貴日每月朔旦東向而拜日其大聚視國事皆以東向為尊四樓門屋皆東向

金史地理志曰臨潢府地名西樓遼為上京國初因稱之天眷元年改為北京天德二年改北京為臨潢府路

有天平山好水川行宮地大定二十五年命名有撒里
乃地熙宗皇統九年嘗避暑于此有陷泉國言曰落亭
魯有合裊追古思阿不漠合沙地



歷代帝王宅京記卷之十九

崑山顧炎武寧人氏錄

幽州

遼

遼史太宗紀曰會同元年十一月晉遣趙瑩奉表來賀以幽薊瀛莫涿檀順媯儒新武雲應朔寰蔚十六州并圖籍來獻于是詔以皇都為上京府曰臨潢升幽州為

南京南京為東京

地理志曰南京析津府本古薊州之地高陽氏謂之幽陵陶唐曰幽都有虞析為幽州商復為薊州周職方東北曰幽州武王封太保奭於燕漢為燕國廣陽國後漢為廣陽郡隋為幽州總管唐置大都督府改范陽節度使晉高祖以遼有援立之勞割幽州等十六州以獻太宗升為南京

又曰燕京城方三十六里崇三丈衡廣一丈五尺敵樓戰櫓具八門東曰安東迎春南曰開陽丹鳳西曰顯西清晉北曰通天拱辰大內在西南隅皇城內有景宗聖宗御容殿二東曰宣和南曰大內內門曰宣教改元和外三門曰南端左掖右掖左掖改萬春右掖改千秋門有樓閣球場在其南東為永平館皇城西門曰顯西設而不開北曰子北西城巔有涼殿東北隅有燕角樓坊市廐舍寺觀蓋不勝書其外有居庸松亭榆林之關疑當作臨渝古北之口桑朝河高粱河石子河大安山燕山

中有瑤嶼府曰幽都軍曰盧龍開泰元年落軍額

聖宗紀曰開泰元年十月甲午朔改幽都府為析津府
薊北縣為析津縣幽都縣為宛平縣

興宗紀曰重熙五年五月壬戌詔修南京宮闕府署

宋王曾上契丹事曰自雄州白溝驛渡河四十里至新城縣古督亢亭之地又七十里至涿州北渡范水劉李河六十里至良鄉縣渡盧溝河六十里至幽州號燕京子城就羅郭西南為之正南曰啟夏門門內有元和殿東門曰宣和城中坊閤皆有樓有憫忠寺本唐太宗為征遼陣亡將士所造又有開泰寺魏王耶律漢寧造皆邀朝使游觀南門外有于越王廨為宴集之所門外永平館舊名碣石館清和後易之南即桑乾河

金

金史地理志曰中都遼會同元年為南京開泰元年號燕京海陵貞元元年定都以燕乃列國之名不當為京師號遂改為中都

天德三年始圖上燕城宮室制度三月命張浩等增廣
廣燕城城門十三東曰施仁曰宣曜曰陽春南曰景風
曰豐宜曰端禮西曰麗澤曰顯華曰彰義北曰會城曰
通玄曰崇智曰光泰浩等取真定府潭園材木營建宮
室及涼位十六

應天門十一楹左右有樓門內有左右翔龍門及日華
月華門前殿曰大安左右掖門內殿東廊曰敷德門大
安殿之東北為東宮正北列三門中曰粹英為壽康宮

母后所居也西曰會通門門北曰承明門又北曰昭慶
門東曰集禧門尚書省在其外其東西門左右嘉會門
也門有二樓大安殿後門之後也其北曰宣明門則常
朝後殿門也北曰仁政門旁為朶殿上為兩高樓曰東
西上閣門內有仁政殿常朝之所也

宮城之前廊東西各二百餘間分為三節節為一門將
至宮城東西轉各有廊百許間馳道兩旁植柳廊脊覆
碧瓦宮闕殿門則純用碧瓦應天門舊名通天門大定

五年更七年改福壽殿曰壽安宮明昌五年復以隆慶宮為東宮慈訓殿為承華殿承華殿者為皇太子所居之東宮也泰和殿泰和二年更名慶寧殿又有崇慶殿魚藻池瑤池殿位貞元元年建有神龍殿又有觀會亭又有安仁殿隆德殿臨芳殿皇統元年有元和殿有常武殿有廣武殿為擊毬習射之所

京城北離宮有大寧宮大定十九年建後更為壽寧又更為壽安明昌二年更為萬寧宮瓊花苑有橫翠殿寧德宮西園有瑤光臺又有瓊花島又有瑤光樓皇統元年有宣和門正隆二年有宣華門又有撒合門

大金國志曰海陵煬王遣左右丞相張浩張通古左丞蔡松年調諸路夫匠築燕京宮室皇城周九里三十步自天津橋之北曰宣陽門中門繪龍兩偏繪鳳用金釘之中門惟車駕出入乃開兩偏分雙隻日開一門過門有兩樓曰文曰武文之轉東曰來寧館武之轉西曰會同館正北曰千步廊東西對馬廊之半各有偏門向東

曰太廟向西曰尚書省至通天門後改名應天樓高八丈朱門五飾以金封東西相去一里餘又各設一門左曰左掖右曰右掖內城之正東曰宣華正西曰玉華北曰拱辰及殿凡九重殿凡三十有六樓閣倍之正中位曰皇帝正位後曰皇后正位位之東曰內省西曰十六位乃妃嬪居之西出玉華門曰同樂園若瑤池蓬瀛柳莊杏村皆在焉都城四圍凡七十五里城門十二每一面分三門其正東門四旁又設兩門正東曰宣曜陽春

施仁正西曰顯華麗澤彰義正南曰豐宜景風端禮正

北曰通玄會誠崇智

史有光泰門

此四城十二門也此外有

宣陽門即內城之南門也上有重樓制度宏大三門並立中門常不開惟車駕出入通天門即內城之正南門也四角皆採樓瓦皆琉璃金釘朱門五門列焉常扃惟大禮祫享則由之宣華乃內城之正東門玉華出西門也左掖東偏門右掖西偏門各有武夫守衛拱辰即內城正北門也又曰後朝門制度守衛與玉華宣華等金

碧輦飛規模宏麗矣

又曰初忠獻王粘罕有志于都燕因遼人宮闕于內外城築四城每城各三里前後各一門樓櫓城塹悉如邊城每城之內立倉廩甲仗庫各穿複道與內城通時陳王兀室及韓常笑其過計忠獻王曰百年當以吾言為信及海陵煬王定都欲撤其城翟天祺曰忠獻王開國元勳置此當有說乃止及衛紹王時蒙古軍至乃命京城富室遷入東子城百官入南子城宗室保西城戚里保北城各分守兵二萬大興尹烏陵用章命京畿諸將毀各橋梁瓦石悉運入四城往來以舟渡運不及者投之於水拆近城民屋為薪納之城中蒙古兵攻城四城兵皆迭自城上擊之蒙古凡比歲再攻不能克

范石湖攬轡錄 興陵見宋使儀衛戊子早入見循東西御廊北行廊幾二百間廊分三節每節一門將至宮城廊即東轉又百許間其西亦然亦有三出門中馳道甚濶兩旁有溝上植柳廊脊皆以青琉璃瓦覆宮闕門

戶即純用之北即端門十一間曰應天之門下開五門
兩挾有樓如左右昇龍之制東西兩角樓端門內有左
右翔龍門日華月華門前殿曰大安殿使人自左掖門
入北循大安殿東廊入敷德門東北行直東有殿宇門
曰東宮直北西南列三門中曰書英是故壽康殿母后
所居西曰會通門自會通北入承明門又北則昭慶門
東則集禧門尚書省在門外東西則左右嘉會門二有
樓即大安殿後門之後至幕次黑布拂廬待班有頃入

宣明門即當朝後殿門也門內庭中列衛士二百許人
貼金雙鳳襪頭團花紅錦衫散手入仁政隔門至仁政
殿下團鳳大花毡可半庭殿兩旁有朶殿朶殿上兩高
樓曰東西上閣門兩廊悉有簾幙中有甲士東西御廊
循簷各列甲士東立者紅葦甲金纏竿槍黃旂画青龍
西立者碧葦甲金纏竿槍白旂画黃龍至殿下皆然惟
立于門下者錦袍持弓矢殿西階襍列儀物幢節之屬
如道家醮壇威儀之類使人由殿下東行上東階却轉

南由露臺北行入殿闕謂之欄子金主幙頭紅袍玉帶
坐七寶榻皆有龍水大屏風四壁繡幕皆紅繡龍拱斗
皆有繡衣兩楹間各有大出香金獅蠻地鋪禮佛毯可
一殿兩旁玉帶金魚或金帶者十四五人相對列立遙
望前後殿屈掘起甚多制度不經工巧無遺力煬王亮
始營此都規模出於孔彥舟役民夫八十萬兵夫四十
萬作治數年死者不可勝計

元

元史地理志曰大都路唐幽州范陽郡遼改燕京金遷
都為大興府元太祖十年克燕初為燕京路總管大興
府太宗七年置版籍世祖至元元年中書省臣言開平
府闕廷所在加號上都燕京分立省部亦乞正名遂改
中都其大興府仍舊四年始于中都之東北置今城而
遷都焉九年改大都十九年置留守司二十一年置大
都路總管府

京城右擁太行左浥滄海枕居庸奠朔方城方六十里

十一門正南曰麗正南之右曰順承南之左曰文明北
之東曰安貞北之西曰健德正東曰崇仁東之右曰齊
化東之左曰光熙正西曰和義西之右曰肅清西之左
曰平則海子在皇城之北萬壽山之陰舊名積水潭聚
西北諸泉之水流入都城而滙於此汪洋如海都人因
名焉恣民漁採無禁擬周之靈沼云

世祖本紀曰中統二年冬十月修築京舊城

四年春三月庚子亦黑迭兒丁請修瓊華島不從

至元元年春二月壬子修瓊華島

二年冬十二月己丑山大玉海成敕置廣寒殿

三年夏四月丁卯五山珍御榻成置瓊華島廣寒殿

冬十二月丁亥修築宮城

四年夏四月甲子新築宮城

秋九月壬辰作玉殿于廣寒殿中

五年冬十月戊戌宮城成

八年春二月丁酉發中都真定順天河間平灤民二萬

八千餘人築宮城

九年夏五月乙酉初東西華左右掖門

十年冬十月初建正殿寢殿香閣周廡兩翼室

十一年春正月己卯朔宮闕告成帝始御正殿受朝賀

夏四月癸丑初建東宮

冬十一月起閣南直大殿及東西殿

十七年冬十二月甲午大都重建太廟成自舊廟奉遷神主于祔室遂行大亨之禮

十九年春二月修宮城太廟司天臺

二十一年秋七月壬申造溫石浴室及更衣殿

成宗紀曰大德八年秋七月辛亥築壇于麗文明門之南丙位

十年秋八月丁巳京師文宣王廟成

武宗紀曰至大二年夏四月壬午創皇城角樓

仁宗紀曰皇慶二年夏六月甲申建崇文閣於國子監

延祐五年春二月建鹿頂殿于文德後

英宗紀曰至治二年二月申寅以太廟役軍造流盃池
行殿廣福

順帝紀曰至正十三年春正月甲戌重建穆清閣

九月己丑建皇太子鹿頭殿于聖安殿西

冬十月撒世祖所立毡殿改建殿宇

十九年冬十月庚申朔詔京師十一門皆築甕城造吊
橋

輟耕錄 至元四年正月城京師以為天下本右擁太

行左注滄海撫中原正南面枕居庸奠朔方峙萬歲山
浚太液池派玉泉通金水縈畿帶甸負山引河壯哉帝
居擇此天府城方六十里二百四十步分十一門正南
曰麗正南之右曰順城南之左曰文明北之東曰安貞
北之西曰健德正東曰崇仁東之右曰齊化東之左曰
光熙正西曰和義西之右曰肅清西之左曰平則大內
南臨麗正門正衙曰大明殿曰延春閣宮城周回九里
三十步東西四百八十步南北六百十五步高三十五

尺甄甃至元八年八月十七日申時動土明年三月十五日即工分六門正南曰崇天十二間五門東西一百八十七尺深五十五尺高八十五尺左右趨樓二趨樓登門兩斜廡十門闕上兩觀皆三趨樓連趨樓東西廡各五間西趨樓之西有塗金銅幡竿附宮城南面有宿衛直廬凡諸宮門皆金鋪朱戶丹楹藻繪彤壁琉璃瓦飾簷脊崇天之左曰星拱三間一門東西五十五尺高五十尺崇天之右曰雲從制度如星拱東曰東華七間三門東西一百十尺深四十五尺高八十尺西曰西華制度如東華北曰厚載五間一門東西八十七尺深高如西華角樓四據宮城之西隅皆三趨樓琉璃瓦飾簷脊直崇天門有白玉石橋三虹上分三道中為御道鐫百花蟠龍星拱南有御膳亭亭東有拱辰堂蓋百官會集之所東南角樓東差北有生料庫庫東為柴場夾垣東北隅有羊圈西南角樓南紅門外留守司在焉西華南有儀鸞局西有鷹房厚載北為御苑外周垣紅門十

有五內苑紅門五御苑紅門四此兩垣之內也大明宮在崇天門內大明殿之正門也七門三門東西一百二十尺深四十四尺重簷曰精門在大明門左月華門在大明門右皆三間一門大明殿乃登極正旦壽節會朝之正衙也十一間東西二百尺深一百二十尺高九十足柱廊七間深二百四十尺廣四十四尺高五十尺寢五間東西夾六間後連香閣三間東西一百四十尺其深五十尺高七十尺青石花礎白玉石圓礪文石甃地上藉重茵丹楹金飾龍繞其上四面朱瑣窓藻井間金繪飾燕石重陛朱欄塗金銅飛雕甍中設七寶雲龍御榻白蓋金縷褥並設后位諸王百僚怯薛官侍宴坐牀重列左右前貯燈漏貯水運機小偶人當時刻捧牌而出木質銀裹漆甕一金雲龍蜿蜒之高一丈七尺貯水可五十餘石雕象酒卓一長八尺闊七尺二寸玉瓮一玉編磬一巨笙一玉笙玉篴篥咸備於前前懸繡綠朱簾至冬月大殿則黃猫皮壁幃黑貂褥香閣則銀鼠皮

壁幃黑貂煖帳凡諸宮殿乘輿所臨御者皆丹楹朱瑣
窓間金藻繪設御榻裋褥咸備屋之簷脊皆飾琉璃瓦
文思殿在大明寢殿東三間前後軒東西三十五尺深
七十二尺紫檀殿在大明寢殿西制度如文思皆以紫
檀香木為之縷花龍涎香間白玉飾壁草色髹綠其皮
為地衣寶雲殿在寢殿後五間東西五十六尺深六十
三尺高三十尺鳳儀門在東廡中三間一門東西一百
尺深六十尺高如其深門之外有庖人之室麟瑞門在
西廡中制度如鳳儀門之外有內藏庫二十所所為七
間鐘樓又名文樓在鳳儀南鼓樓又名武樓在麟瑞南
皆五間高七十五尺嘉慶門在後廡寶雲殿東景福門
在後廡寶雲殿西皆三間一門周廡一百二十間高三
十五尺四隅角樓四間重簷凡諸宮周廡並用丹楹彤
壁藻繪琉璃瓦飾簷脊延春門在寶雲殿後延春閣之
正門也五間三門東西七十七尺重簷懿範門在延春
左嘉則門在延春右皆三間一門延春閣九間東西百

五十尺深九十尺高一百尺三簷重屋柱廊七間廣四十五尺深一百四十尺高五十尺寢殿七間東西夾四間後香閣一間東西一百四十尺深七十五尺高如其深重簷文石甃地藉花毳褥簷帷咸備白玉石重陛朱闌銅冒楹塗金雕翔其上閣上御榻二柱廊中設小山屏牀皆楠木為之而飾以金寢殿楠木御榻東夾紫檀御榻壁皆張素畫飛龍舞鳳西夾事佛像香閣楠木寢牀金縷褥黑貂壁幃慈福殿又曰東煖殿在寢殿東三間前後軒東西三十五尺深七十二尺明仁殿又曰西煖殿在寢殿西制度如慈福景曜門在左廡中三間一門高三十尺清灝門在右廡中制度如景曜鐘樓在景曜南鼓樓在清灝南各高七十五尺周廡一百七十二間四隅角樓四間玉德殿在清灝外七間東西一百尺深四十九尺高四十尺飾以白玉甃以文石中設佛像東香殿在玉德殿東西香殿在玉德殿西宸慶殿在玉德殿後九間東西一百三十尺深四十尺高如其深中

設御榻簾帷裯褥咸備前列朱闌左右闌二紅門後山
字門三間東更衣殿在宸慶殿東五間高三十尺西更
衣殿在宸慶殿西制度如東殿隆福殿在大內之西興
聖之前南紅門三東西紅門宮各一繚以磚垣南紅門
一東紅門一後紅門一光天門光天殿正門也五間三
門高三十二尺重簷崇華門在光天門左膺福門在光
天門右各三間一門光天殿七間東西九十八尺深五
十五尺高七十尺柱廊七間深九十八尺高五十尺寢
殿五間兩夾四間東西一百三十尺高五十八尺五寸
重簷藻井瑣窓文石甃地藉花毳裯懸朱簾重陞朱闌
塗金雕冒楹正殿縷金雲龍樟木御榻從臣坐牀重列
前兩旁寢殿亦設御榻裯褥咸備青陽門在左廡中明
暉門在右廡中各三間一門翥鳳樓在青陽南三間高
四十五尺駢龍樓在明暉南制度如翥鳳後有牧人宿
衛之室壽昌殿又曰東煖殿在寢殿東三間前後軒重
簷嘉禧殿又曰西煖殿在寢殿西制度如壽昌中位佛

像旁設御榻針線殿在寢殿後周廡一百七十二間四隅角樓四間侍女直廬五所在針線殿後又有侍女室七十二間在直廬後及左右浴室一區在宮垣東北隅文德殿在明暉外又曰楠木殿皆楠木為之三間前後軒一間盪頂殿五間在光天殿西北角樓西後有盪頂小殿香殿在宮垣西北隅三間前軒一間前寢殿三間柱廊三間後寢殿三間東西夾各二間文宸庫在宮垣西南隅酒房在宮垣東南隅內庖在酒房之北興聖宮在大內之西北萬壽山之正西周以磚垣南闢紅門三東西紅門各一北紅門一南紅門外兩旁附垣有宿衛直廬凡四十間東西門外各三間南門前夾垣內有省院臺百司官侍直板屋北門外有窰花室五間東夾垣外有宦人之室十七間凌室六間酒房六間南北西門外棊置衛士直宿之舍二十一所所為一間外夾垣東紅門三直儀天殿弔橋西紅門一達徽政院門內差北有盪頂房二各三間又北有屋二所各三間差南有庫

一所及屋三間北紅門外有臨街門一所三間此夾垣
之北門也興聖門興聖殿之北門也五間三門重簷東
西七十四尺明華門在興聖門左肅章門在興聖門右
各三間一門興聖殿七間東西一百尺深九十七尺柱
廊六間深九十四尺寢殿五間兩夾各三間後香閣三
間深七十七尺正殿四面朱懸瑣窻文石甃地藉以毳
褥中設宸屏榻張白蓋簾帷皆錦繡為之諸王百僚宿
衛官侍宴坐牀重列左右其柱廊寢殿亦各設御榻褥

褥咸脩白玉石重陛朱闌塗金甍楯覆以白磁瓦碧琉
璃飾其簷脊弘慶門在東廡中宣則門在西廡中各三
間一門凝暉樓在弘慶南五間東西六十七尺延顥樓
在宣則南制度如凝暉嘉德殿在寢殿東三間前後軒
各三間重簷寶慈殿在寢殿西制度同嘉德山字門在
興聖宮後延華閣之正門也正一間兩夾各一間重簷
一門脊置金寶瓶又獨脚門二周閣以紅版垣延華閣
五間方七十九尺二寸重阿十字脊白琉璃瓦覆青琉

璃瓦飾其簷脊立金寶瓶單陛御榻從臣坐牀咸具東西殿在延華閣西左右各五間前軒一間園亭在延華閣後芳碧亭在延華閣後園亭東三門重簷十字脊覆以青琉璃瓦飾以綠琉璃屋脊置金寶瓶徽青亭在園亭西制度如芳碧亭浴室在延華閣東南隅東殿旁有盥頂井亭二間又有盥頂房三間畏吾兒殿在延華閣右六間傍有窰花半屋八間木香亭在畏吾兒殿後東盥殿在延華閣東版垣外正殿五間前軒三間東西六

十五尺深三十九尺柱廊二間深二十六尺寢殿三間東西四十八尺前宛轉置花朱闌八十五扇殿之旁有盥頂房三間庖室二間面陽盥頂房三間妃嬪庫房一間縫紉女庫房三間紅門一盥頂之制三椽其頂若筥之平故名西盥頂殿在延壽閣西版垣之外制度同東殿東殿之旁有庖室三間好事房二各三間獨脚門二紅門一妃嬪院四二在東盥頂殿後二在西盥頂殿後各正室三間東西夾四間前軒三間後有三椽半屋二

間侍女室八十三間半在東妃嬪院左西向半在西妃
嬪院右東向室後各有三椽半屋二十五間東盪頂殿
紅門外有屋三間盪頂軒一間後有盪頂房一間庖室
一區在凝暉樓後正室五間前軒一間後披屋三間又
盪頂房一間盪頂井亭一間周以土垣前闢紅門酒房
在宮垣東南隅庖室南正屋五間前盪頂軒三間南北
軒各三間西北隅盪頂房三間紅門一土垣四周之學
士院在閣後四盪頂殿門外之西偏三間生料庫在學
士院南又南為鞍轡庫又南為軍器庫又南為庖人牧
人宿衛之室藏珍庫在宮垣西南隅制度並如酒室惟
多盪頂半屋三間庖室三間

萬壽山在大內西北太液池之陽金人名瓊花島中統
三年修繕之至元八年賜今名其山皆疊玲瓏石為之
峯巒隱映松檜隆鬱秀若天成引金水河至其後轉機
運輦汲水至山頂出石龍口注方池伏流至仁智殿後
有石刻蟠龍仰首噴水仰出然後由東西流入于太液

池山前有白玉石橋長二百餘尺直儀天殿後橋之北
有玲瓏石擁水門五門皆為石色內有隙地對立日月
石西有石棋枰又有石坐牀左右皆有登山之徑縈紆
萬石中洞府出入宛轉相迷至一殿一亭各擅一景之
妙山之東有石橋長七十六尺濶四十一尺半為石渠
以載金水而流于山後以汲于山頂也又東為靈圃竒
獸珍禽在焉廣寒殿在山頂七間東西一百二十尺深
六十二尺高五十尺重阿藻井文石甃地四面瑣窻板
密其裏徧綴金紅雲而蟠龍矯蹇于舟楫之上中有小
玉殿內設金嵌玉龍御榻左右列從臣坐牀前架黑玉
酒瓮一玉有白章隨其形刻為魚獸出沒于波濤之狀
其大可貯水三十餘石又有玉假山一峯玉響鐵一懸
殿之後有小石笋二內出石龍首以噴所引金水西北
有廁堂一間仁智殿在山之半三間高三十尺金露亭
在廣寒殿東其制圓九柱二十四尺尖頂上置琉璃珠
亭後有銅幡竿玉虹亭在廣寒殿西制度同金露方壺

亭在荷葉殿後高二十尺重屋八面重屋無梯自金露
亭前複道登焉又曰綠珠亭瀛洲亭在溫石浴室後制
度同方毒玉虹亭前仍有登重屋複道亦有綠珠亭荷
葉在方毒前仁智西北三間高三十尺方頂中置琉璃
珠溫石浴室在瀛洲前仁智西北三間高二十三尺方
頂中置塗金寶瓶圍亭又曰膳脂亭在荷葉稍西蓋后
妃添粧之所也八面介福殿在仁智東差北三間東西
四十一尺高二十五尺延和殿在仁智西北制度如介
福馬漣室在介福前三間牧人之室在延和前三間庖
室在馬漣前東浴室更衣殿在山東平地三間兩夾太
液池在大內西周回若干里植芙蓉儀天殿在池中圓
坻上當萬壽山十一楹高三十五尺圍七十尺重簷圓
蓋頂圓臺址甃以文石藉以花裯中設御榻周闢瑣窓
東西門各一間西北廁堂一間臺西向列甃磚龕以居
宿衛之士東為木橋長一百廿尺濶廿二尺通大內之
夾垣西為木吊橋長四百七十尺濶如東橋中闕之立

柱架梁于二舟以當其空至車駕行幸上都留守官則移舟斷橋以禁往來是橋通輿聖宮前之夾垣後有白玉石橋乃萬壽山之道也屏山臺在儀天殿前水中上植木芍藥隆福宮西御苑在隆福宮西先后妃多居焉香殿在石假山上三間兩夾二間柱廊三間龜頭屋三間丹楹瑣窻間金藻繪玉石礎琉璃瓦殿後有石臺山後闢紅門門外有侍女之室二所皆南向並列又後直紅門並立紅門三三門之外有太子幹耳朶荷葉殿二在香殿左右各三間圓殿在山前圓頂上置塗金寶珠重簷後有流杯池池東西流水圓亭二圓殿有廡以連之歇山殿在圓殿前五間柱廊二各三間東西亭二在歇山後左右十字脊東西水心亭在歇山殿池上直東西亭之南九柱重簷亭之後各有侍女房三所所為三間東房西向西房東向前闢紅門三門內立石以屏內外外築四垣以周之池引金水注焉棕毛殿在假山東偏三間後盪頂殿三間前啟紅門立垣以區分之儀鸞

局在三紅門外西南隅正屋三間東西屋三間前開一門

史官虞集曰嘗觀紀籍所載秦漢隋唐之宮闕其宏麗可佈也高者七八十丈廣者二三十里而離宮別館綿延聯絡彌山跨谷多或至數百所嘻真木妖哉由余有言使鬼為之則勞神矣使人為之則苦人矣由余當秦穆公之時為是俾見後世之侈何如也雖然紫宮著乎玄象得毋棟宇有等差之辨而茅茨之簡又烏足以重威於四海乎集佐修經世大典將作所疏宮闕制度為詳于是知大有逕庭於古也方今幅員之廣戶口之夥貢稅之富當倍秦漢而參隋唐也顧力有可為而莫為則其所樂不在於斯也孔子曰禹吾無間然矣卑宮室而盡力乎溝洫重於此則輕于彼理固然矣

中書省

吏部

戶部

都提舉萬億綺源庫

都提舉萬億賦源庫

都提舉萬億寶源庫 都提舉萬億廣源庫

提舉富寧庫 順承行用庫 文明行用庫 光

熙行用庫 健德行用庫 和義行用庫 崇仁

行用庫 大都平準庫 寶鈔總庫 印造寶鈔

庫 燒鈔西庫 燒鈔東庫 印造茶鹽引局

抄紙局

禮部 會同館 教坊司 鑄印司 白紙坊 油

磨坊

兵部

刑部

工部 覆實司 提舉都城所 提舉右八作司

提舉左八作司 備章總院 大都人匠總管府

大都等路諸色民匠總管府 紋繡總院 繡局

諸路襍造總管府 茶迭兒局 諸色人匠總管

府 提舉諸司局 諸司局人匠總管府 大都

金銀器盒局 大都毡局 織染局 花毯蠟布

等局 簾局 撒答刺欺等局人匠提舉司 造船提舉司 諸物庫 符牌庫 受給庫 左右廂

樞密院 右衛親軍都指揮使司 左衛親軍都指揮使司 中衛親軍都指揮使司 前衛親軍都指揮使司 後衛親軍都指揮使司 武衛親軍都指揮使司 蒙古侍衛親軍都指揮使司 虎賁侍衛親軍都指揮使司 唐兀侍衛親軍都指

揮使司 欽察侍衛親軍都指揮使司 貴赤侍衛親軍都指揮使司 西域侍衛親軍都指揮使司

御史臺 殿中司 察院

也可扎魯忽赤 司獄司

徽政院 宮正司 掌謁司 掌醫署 掌膳署

內宰司 備用庫 藏珍庫 掌儀署 文成庫

供須庫 儀從庫 衛候庫 右都威衛使司

左都威衛使司 延慶司 隨路諸色人匠都總
管府 瑪瑙玉局 大都等路諸色名匠提舉司
織染襍造人匠總管府 綾錦局 織染局
文綺局 諸路怯怗口民匠都總管府 大護國
仁王寺財用規運都總管府
宣徽院 尚舍監 諸物庫 尚食局 生料庫
光祿寺 尚醞局 尚飲局 醴源倉 闡遺監
提舉太倉 柴炭提舉司 沙糖局

中政院 奉宸庫 官領隨路民匠打鋪鷹房納綿

總管府

集賢院 國子監 國子學 興文署

翰林院 國子監 國子學

翰林國史院

宣政院 資善庫

昭文館

太常寺 太廟署 大樂署 社稷署 禮直署

大司農司 廣濟署 豐贍署 供膳司 昌國署
濟民署

大都護府

通政院 廩給司

秘書監 著作局 秘書庫

大府監 內藏庫 右藏庫 左藏庫 器備庫

中尚監 資成庫 襍造局 諸色人匠提舉司 鐵

局 木局 怯怛口諸色人匠提舉司 大都等

路種田人匠織染局

利用監 資用庫 怯怛口皮局 人匠提舉司 大

都襍造 雙線局 熟皮局 貂鼠局 大都軟皮

局

章佩監 御帶庫 異珍庫

典瑞監

大都留守司 兼少府監 修內司 大木局 小木

局 泥瓦局 粧釘局 銅局 車局 繩局

紙應局 畫局 油漆局 器備局 器物局

鐵局 儀鸞局 大都諸色人匠提舉司 犀象

牙局 雕牙局 雕木局 採石局 木場局

上林局 大都門尉

將作院 諸路金玉人匠總管府 玉局提舉司

瑪瑙局提舉司 石局 金絲子局 大小雕木

等局 鞞帶斜皮局 瓘玉局 畫局 溫犀玳

瑁局 漆紗冠冕局 珠子局 異樣等局總管

府 異樣文繡兩局 綾錦織染兩局 金絲顏

料總庫 尚衣局 御衣局

泉府司 富藏庫

侍儀司 法物庫

武備寺 壽武庫 利器庫 甲匠提舉司 箭局

弦局

都水監 大都河道提舉司

尚乘寺 諸路襍造總管府 諸路旋匠提舉司

網簾局 資乘庫

太僕寺

太史院

司天臺

回回司天臺

太醫院

御藥局

御藥院

回回藥物院

回回

藥物局

大都惠民司

廣惠司

崇福司

拱衛直都指揮使司

儀從司

大司徒領異樣金玉人匠總管府

塑局

出鐵局

銀局

銅局

鑄瀉等銅局

唐像畫局

梵

像局

襍造提舉司

鑛鐵局

玉局

諸物庫

字可孫

儀鳳司

安和署

京畿都漕運使司

萬斯南倉

萬斯北倉

千斯

倉

相因倉

豐潤倉

通濟倉

廣貯倉

永

平倉 永濟倉 惟億倉 盈衍倉 大積倉

豐寔倉 廣衍倉 順濟倉

大都等路都轉運鹽使司 大都稅課提舉司

大都南北兩兵馬都指揮使司 北兵馬司

內史府

省架閣庫 左右部架閣庫 長信寺

天歷初建奎章閣於西宮興聖殿之西廊為屋三間高明敞爽南間以藏物中間諸官入直所北間南嚮設御

座左右列珍玩命群玉內司掌之閣官署御 名奎章閣階正三品隸東宮屬官後文宗復位乃陞為奎章閣學士院階正二品置大學士五員並知經筵事侍書學士二員承制學士二員供奉學士二員並兼經筵官幕職置參書二員典籤二員並兼經筵參贊官照磨一員內椽四名內二名兼檢討宣使四名知印二名譯史二名典書四名屬官則有羣玉內司階正三品置監群玉內司一員司尉一員亞尉二員僉司二員典簿一員令

史二名典史二名司鑰二名司膳四名給使八名專掌
秘玩古物藝文監階正三品置太監兼檢校書籍事二
員少監同檢校書籍事二員監承參檢校書籍二員或
有兼經筵官者典簿一員照磨一員令史四名典史二
名專掌書籍鑒書博士司階正五品置博士兼經筵參
贊官二員書吏一名專一鑒辨書畫授經郎階正七品
置授經郎兼經筵譯文官二員專一訓教怯薛官大臣
子孫藝林庫階從六品置提點一員副使一員司吏二
名庫子一名專一收貯書籍廣成局階從七品置大使
一員副使一員直長二員司吏二名專一印行祖宗聖
訓及國制等書特恩敕製象齒小牌五十上書奎章閣
三字一面篆字一面蒙古字與畏吾兒字分散各官懸
佩出入宮門無禁學士院凡與諸生往復惟劄送參書
書廳行移而已命侍讀學士虞集撰記御書刻石閣中
今上皇帝改奎章曰宣文其記曰大統既正海內定一
乃稽古右文崇德樂道以天歷二年三月作奎章之閣

燕閒之居將以淵潛遐思緝熙典學乃置學士員俾頌
予祖宗之成訓毋忘予創業之艱難而守成之不易也
又俾陳夫內聖外王之道興亡得失之故而以自警焉
其為閣也因便殿之西廡釋高明而有容不加飾乎采
斲不重勞于土木不過啟手牖以順清燠樹度閣以
棲圖書而已至於器玩之陳非古制作中法度者不得
在列其為處也跬步戶庭之間而清嚴邃密非有朝會
祠享時巡之事幾無一日而不御于斯於是宰輔有所

奏請宥密有所圖回爭臣有所繩糾侍從有所獻替以
次入對從容密勿蓋終日焉而聲色狗馬不軌不物者
無因而至前矣自古聖明睿知善於怡心養神培本浚
源泛應萬變而不窮者未有易乎此者也蓋聞天有恒
運日月之行不息矣地有恒勢水土之載不匱矣人君
有恒居則天地民物有所係屬而不易矣居是閣也靜
焉而天為一動焉而天弗違庶乎有道之福以保我子
孫黎民於無窮哉至順辛未孟春二日記

歷代帝王宅京記卷之二十

崑山顧炎武寧人氏錄

遼陽
遼

遼史地理志曰東京遼陽府本朝鮮之地周武王釋箕子囚去之朝鮮因以封之傳四十餘世燕屬真番朝鮮始置吏築障秦屬遼東外徼漢初燕人滿王故空地武

遼陽

一

帝元封三年定朝鮮為真番臨屯樂浪玄菟四郡後漢書入青幽二州遼東玄菟二郡沿革不常漢末為公孫度所據傳子康孫淵自稱燕王建元紹漢魏滅之晉陷高麗後歸慕容垂子寶以句麗王安為平州牧居之元魏太武遣使至其所居平壤城唐高宗平高麗於此置安東都護府後為渤海大氏所有大氏始保挹婁之東牟山武后萬歲通天中為契丹盡忠所逼有乞乞仲象者度遼水自固武后封為震國公傳子祚榮建都邑自稱震王并吞海北地方五千里兵數十萬中宗賜所都曰忽汗州封渤海郡王十有二世至曩震僭號改元擬建宮闕有五京十五府六十二州為遼東盛國忽汗州即故平壤城也號中京顯德府太祖建國攻渤海拔忽汗城俘其王大誣譏以為東丹王國立太子圖欲為人皇王以主之神冊四年葺遼陽故城以渤海漢戶建東平郡為防禦州天顯三年遷東丹國民居之升為南京城名天福高三丈有樓櫓幅員三十里八門東曰迎陽

東南曰韶陽南曰龍源西南曰顯德西曰大順西北曰
大遼北曰懷遠東北曰安遠宮城在東北隅高三丈具
敵樓南為三門壯以樓觀四隅有角樓相去各二里宮
牆北有讓國皇帝御容殿大內建二殿不置宮嬪惟以
內省使副判官守之大東丹國新建南京碑銘在宮門
之南外城謂之漢城分南北市中為耆樓晨集南市夕
集北市街西有金德寺大悲寺駙馬寺鐵幡竿在馬趙
頭陀寺留守衙戶部司軍巡檢歸化營軍千餘人河朔

亡命皆籍於此東至北烏魯虎克四百里南至海邊鐵
山八百六十里西至望平縣海口三百六十里北至挹
婁縣范河二百七十里東西南三面抱海遼河出東北
山口為范河西南流為大口入于海東梁河自東山西
流與渾河合為小口會遼河入于海又名太子河亦曰
大梁水渾河在東梁范河之間沙河出東南山西北流
經蓋州入于海有蒲河清河淇河亦曰泥河又曰蘄芋
樂水多蘄芋之草駐蹕山唐太宗征高麗駐蹕其巔數

日勒石紀功焉俗稱手山山巔平石之上有掌指之狀
泉出其中取之不竭又有明王山白石山亦曰橫山天
顯十三年改南京為東京府曰遼陽

金

金史地理志曰皇統四年二月立東京新宮寢殿曰保
寧宴殿曰嘉惠前後正門曰天華曰乾貞七月建宗廟
有孝寧宮七年建御容殿置留守司

大定

遼

遼史地理志曰中京大定府虞為營州夏屬冀州周在
幽州之分秦郡天下是為遼西漢為新安平縣漢末步
奚居之幅員千里多大山深谷阻險足以自固魏武北
征縱兵大戰降者二十餘萬去之松漠其後拓跋氏乘
遼建牙於此當饒樂河水之南溫渝河水之北唐太宗
伐高麗駐蹕於此部帥蘇支從征有功奚長可度率眾
內附為置饒樂都督府咸通以後契丹始大奚族不敢

復抗太祖建國舉族臣屬聖宗嘗過七金山土河之濱
南望雲氣有郭郭樓闕之狀因議建都擇良工于燕薊
宮掖樓閣府庫市肆廊廡擬神都之制統和二十四年
五帳院進故奚王牙帳地二十五年城之寔以漢戶號
曰中京府曰大定皇城中有祖廟景宗承天皇后御容
殿城池湫濕多鑿井泄之人以為便大同驛以待宋使
朝天館待新羅使來賓館待夏使有七金山馬孟山雙
山松山土河

宋王曾上契丹事曰出燕京北門至望京館五十里至
順城七十里至檀州漸入山五十里至金溝館將至館
川原平曠謂之金溝淀自此入山詰曲登陟無復里候
但以馬行記日約其里數九十里至古北口兩旁峻崕
僅容車軌又度德勝嶺盤道數層俗名思鄉嶺八十里
至新館過雕窠嶺偏槍嶺四十里至如來館過烏灤河
東有灤州又過黑斗嶺度雲嶺芹菜嶺七十里至柳河
館又過松亭嶺甚險峻七十里至打造部落東南行五

十里至牛山館八十里至鹿兒峽館過蝦蟆嶺九十里
至鐵漿館過石子嶺自此漸出山七十里至富谷館八
十里至通天館二十里至中京大定府城垣卑小方員
總四里許門但重屋無築闌之制南門曰朱夏門內通
步廊多坊門又有市樓四曰天方大衢通闕望闕次至
大同館其門正北曰陽德閭闔城西內西南隅岡上有
寺城南有園圃宴射之所自古北口居人草庵板屋耕
種但無桑柘所種皆從壠上虞吹沙所擁山中長松鬱

然深谷中時見畜牧牛馬橐駝多青鹽黃豕

金

金史地理志曰大定府遼統和二十五年建為中京國
初因稱之海陵貞元元年更為北京置留守司都轉運
司警巡院

會寧

金

金史地理志曰上京路即海古之地金之舊土也國言

金曰按出虎以按出虎水源于此故名金源建國之號
蓋取諸此國初稱為內地天眷元年號上京海陵貞元
元年遷都於燕削上京之號止稱會寧府稱為國中者
以違制論大定十三年七月復為上京其山有長白青
嶺馬紀嶺完都魯水有按出虎水混同江來流河宋瓦
江鴨子河

其宮室有乾元殿天會三年建天眷元年更名皇極殿
慶元宮天會十三年建殿曰辰居門曰景暉天眷元年

安太祖以下御容為原廟

朝殿天眷元年建殿曰敷德門曰延光寢殿曰宵衣書
殿曰稽古又有明德殿熙光嘗享太宗御容於此太后
所居也

涼殿皇統二年構門曰延福樓曰五雲殿曰重明東廡
南殿曰東華次曰廣仁西廡南殿曰西清次曰明義重
明後東殿曰龍壽西殿曰奎文時令殿及其門曰奉元
有泰和殿有武德殿有薰風殿

其行宮有天開殿又刺春水之地也有混同江行宮
太廟社稷皇統三年建正隆二年毀

原廟天眷元年以春亭名天元殿安太祖太宗徽宗及
諸后御容春亭者太祖所嘗御之所也天眷二年作原
廟皇統七年改原廟乾文殿曰世德正隆二年毀大定
五年復建太祖廟

興聖宮德宗所居也天德元年名之興德宮後更名永
祚宮睿宗所居也光興宮世宗所居也正隆二年命吏

部郎中蕭彥良盡毀宮殿宗廟諸大族邸第及儲慶寺
夷其址耕墾之大定二十一年復修宮殿建城隍廟二
十三年以甃束其城有皇武殿擊毬校射之所也有雲
錦亭有臨漪亭為籠鷹之所在按出虎水側

大金國志曰女真之初無城郭國主嘗浴於河牧於野
屋舍車馬衣服飲食之類與其下無異國主所獨享者
惟一殿名曰乾元所居四外栽柳以作禁衛而已其殿
宇遶壁盡置火炕平居無事則鎖之或時開鑰則與臣

下坐于炕后妃躬侍飲食

又曰國初無城郭星散而居呼曰皇帝寨國相寨太子莊後升皇帝寨曰會寧府建為上京城邑宮室無異於中原州縣廨宇制度極草創居民往來車馬襍還自前朝門直抵後朝門盡為往來出入之路略無禁制每益春擊土牛父老士庶無長幼皆聚觀于殿側民有訟未多邀駕以訖至熙宗始有內庭之禁

又曰皇統六年春三月上以上京會寧府內太狹統如

郡制遂役五路工匠撤而新之規模雖倣汴京然僅得十之二三而已

許亢宗行程錄曰

宋著作郎以宣和六年使金賀太宗登位自雄州至上京

會寧府二千七百五十里自雄州六十里至新城縣六

十里至涿州六十里至良鄉縣六十里至燕山府八十

里至潞縣七十里至三河縣六十里至薊州七十里至

玉田縣九十里至韓城鎮五十里至北界清州

金國新立地界

九十里至灤州四十里至望都縣六十里至營州一百

里至潤州八十里至遷州九十里至習州九十里至來
州八十里至海雲寺一百里至紅花務九十里至綿州
八十里至劉家莊一百里至顯州九十里至兔兒渦六
十里至梁魚務一百三十三里至沒咄寨八十里至瀋州七
十里至興州九十里至咸州九十里至同州三十里至
信州九十里至蒲里字董寨四十里至黃龍府六十里
至托撒字董寨九十里至漫七離字董寨一百里至和
里間寨九十里至句孤字董寨七十里至達河寨四十
里至蒲捷寨五十里至館館去北庭十里一望平原曠
野間有居民千餘家近闕北有阜圍繞三數頃高丈餘
云皇城也山棚之左曰桃源洞右曰紫微洞中作大牌
曰翠微宮高五七丈建殿七棟甚壯榜額曰乾元殿階
高四尺土壇方濶數丈名曰龍墀

雲麓漫抄曰燕京九行六十里至潞縣九十里至三河
縣七十里至薊州八十里至永濟務九十里至七箇嶺
九十里至平州八十里至新安縣六十里至潤州自此

皆沿海行四十里至遷州八十里至萊州八十里至濰
州八十里至淘河島八十里至胡家務八十里至新城
八十里至梯已寨三十里至廣寧府三十里至顯州五
里至東館八十里至兔兒塢八十里至梁虞務六十里
至遼河大口平津館七十三里至廣州廣平館復望北
行七十里至瀋州樂郊館八十里至興州興平館五十
里至銀銅館九十里至咸州咸平館三十里至宿州宿
寧館八十里至賈道鋪懷方館四十里至楊八寨通遠
館五十里至合叔寺董鋪同風館三十六里至義和館
五十里至如歸館四十里至信州彰信館七十里至勝
州來德館五十里至山寺鋪會方館五十里至威州威
德館五十里至龍驤館六十里至詳州常年館六十里
至濱州混同館六十里至高平館四十里至同流館五
十里至沒搭合寺董菜同館七十里至烏龍館三十里
至虜寨號御寨今之使虜者止至燕未有烏龍館者于
慎行曰上京會寧府即今三萬衛也

開平

元

元史地理志曰上都路唐為奚契丹地金平契丹置恒州元初為扎剌兒部兀魯

王營幕地憲章五年命世祖居其地為巨鎮明年世祖命劉秉忠相宅於恒州東深水北之龍岡中統元年為開平府四年為以闕庭所在加號上都歲一幸焉至元二年置留守司五年升上都路總管府十八年升上都

留守司兼行本路總管府事

元史陳祖仁傳曰至正二十年五月帝欲修上都宮闕工役大興祖仁上疏其畧曰自古人君不幸遇艱虞多難之時孰不欲奮發有為成不世之功以光復祖宗之業苟或上不奉于天道下不順于民心緩急失宜舉措不當雖以此道持盈守成猶或致亂而况欲撥亂世而反之正乎夫上都宮闕自先帝修于累朝自經兵火燬死蓋所不忍言此陛下所為日夜痛心所宜亟圖

興復者也然今四海未清瘡痍未瘳倉庫告虛財用將
乃欲驅疲民以供大役廢其耨而荒其田畝何異扼
其吭而奪之食以逸其斃乎陛下追維祖宗宮闈念茲
在茲然不思今日所當興復乃有大於此者假令上都
宮闈未復固無妨於陛下之寢處使因是而違天道失
人心或致大業之隳廢則夫天下者亦祖宗之天下生
民者亦祖宗之生民陛下亦何忍輕棄之乎願陛下以
生養民力為本以恢復天下為務信賞必罰以驅策英
雄親正人遠邪佞以圖謀治道夫如是則承平之觀不
日咸復詎止上都宮闈而已乎疏奏帝嘉納之

高林先生歷帝王系宅記三卷倣文匯
校以禮州府志載歷代都城宮闈攷
以三卷數後增或傳流之誤或別
有兩不
光正年秋李裝竟此洛并設於
評撰題曰時候儉卷之軒



國家圖書館, NATIONAL CENTRAL LIBRARY, TAIWAN, R.O.C